

英山縣志卷十一 二

人物志

孝友

宋 段璋大理評事振之次子幼以文學著名性至孝父卒哀毀踰禮廬墓三載有芝生於墓側後其山遂以芝名

明 段宏仁嘉靖中貢生父病湯藥必親嘗及卒哀毀骨立既葬廬墓朝夕擗踊毒虺遠避暴漲湧柴山積鴉鶴羣繞止宿墓側不驚時謂孝感正德元年奉詔旌表

按明史孝義傳英山段宏仁宏治間旌

張翀嘉靖朝東光知縣父德卒廬墓三年縗經不去身朝夕哭奠有枯樹復生之異縣尹以狀聞勅建孝行坊

英山縣志

卷之十一

人物志

孝友

一

傅得年字古敦庠生父明陽母江氏方十齡失恃繼母葉嚴酷時遭鞭撻和顏受之葉卒再事繼母謝如事葉族里舉實以聞縣尹向文謨額其庭曰孝行可嘉

馬應乾字維元邑庠生幼失怙事節母徐氏以孝聞母病二十餘年就卧寢側未嘗一夕離割股二次不令人知母歿廬墓三載縣尹屢旌之

段孟塤性純樸未嘗學問早喪父力田養母必竭其誠母歿廬墓三年哀號不絕不避狼虎宗族鄉鄰咸爲感動

黃道南字有夏廩膳生明季寇禍負母避蘄州徙黃州屢被賊執感其孝並釋之後歸里家徒壁立自食苦菜勉備甘旨奉母

王子允字敬承貢生事繼母劉孝明季流賊蜂起負母避亂遇虎泣以身當虎不爲傷又偕族衆伏處衆乏食盡出所貯活人甚多

清 傅繼訓字箴若歲貢生八歲父得年卒同兄繼相奉母張氏避寇朝陽砦疫作砦例疫者棄野外張病繼訓兄弟露立守護不離及卒舁葬先塋如禮兄被賊執涕泣請代不許則請同死賊義之俱釋免子孫著庠序

金秉鑑字覺先由諸生入太學父元鳴睢寧訓導卒於任諸生德之賻甚厚秉鑑堅辭不獲於治喪之暇悉以完父修學未竟之業事繼母孝與弟庠生秉貞相友愛弟歿撫其子教之咸列

英山縣志

卷之十一

人物志

孝友

二

膠庠

金秉衡字權可廩生元音子三歲失怙恃與堂兄秉鑑同處愛若同胞未逮事親逢祭必泣終身不政由諸生入太學居鄉耿介喜施予歲周急不一而足里人德之

金天爵字理源少嗜學早餼於庠事親盡色養親歿永廢甘旨逢忌辰哀泣如初喪以是終其身愛兄子逾己子而督率甚嚴以宅讓弟初因艱嗣妻傅氏爲買妾楚中甫及門詢知係宦裔流落急令別處備奩嫁之鄰火毀百餘家助以粟而隱其名標於市曰有粟願貸於是貸者紛紛後竟不取償其他建祠卹族飲助婚喪皆行之無倦諸子以文行著孫序珽成進士

金奉聖字理常國學生性孝友父病恆涕泣不能飲食善撫孤姪且咸嫂節弟璋旣析產復合食多年後璋以產讓弗受遇貧寒推解不吝醫藥義塚施舍不倦年七十足不履公庭

傅有宸字締予太學生兄弟七人同居宸主家政尺絲寸帛不以私終身無間言好施與族貧不能嫁娶者助金不惜鄰里被火捐穀活數十家

傅有宗字鼎彝邑廩生父繼訓母汪氏遇疾調治衣不解帶及卒廬墓三年羣燕來巢鳳倅王國楨式其廬額曰孺慕兄弟七人食指百餘同居二十載無私蓄無間言縣改建學宮任勞三年始竣士林服其公且勤

英山縣志

卷之十一

人物志

孝友

三

傅有錠字天掌國學生少孤事母氏盡孝卓然自立族中貧寒者多賴成就

傅作霖父庠生有守母余氏母遇疾危霖刲股入藥愈後以憂成病輾轉十年勉力奉養未嘗因病稍懈迨病革惓惓以父母爲念命其子斂以麻衣

程光洛字伯耆拔貢生父鼎疾籲天請以身代及卒辟踊幾絕營葬畢偕弟浚等廬墓三載友愛無私蓄縣令張顯遇深重之程光浚字叔潢邑庠生事兄光洛如嚴父兄病極意調治及歿哀感路人撫姪如子事母汪竭盡敬愛族人舉爲族長知縣趙宗炅以誠能睦族旌之妻黃氏亦以孝聞

汪錫我母病三載親嘗湯藥及歿哀號辟踊願從地下逾月卒夏之正字宗寅庠生幼孤力學與諸兄弟異母曲盡友恭析產不較厚薄事母孝有妹適劉氏少寡迎養於家撫兩甥爲婚娶然後歸之

鄭同鼎字夏彝庠生少孤撫於節母蕭氏讀書勵志率德不倦生平至誠待人於族中瑣獨尤力爲經紀勿令失所一切皆體親志用相怡悅年八十餘無疾而逝子國學生元景元禔孝友娛親兄弟析產互相推讓終身無一間言

王保垣邑庠生素性至孝母病虔誠籲天請以身代衣不解帶者數月及歿哀毀踰禮廬墓三年父國楷慷慨好義樂成人善

英山縣志

卷之十一

人物志

孝友

四

垣承父志凡族鄰中貧而善讀書者招集門下飲食教誨俾得成就族黨稱之

鄭同鼎字臺友少事母孝喜讀書與兄友睦沒齒無間歲歉常捐廩困以助貧乏時嘉其行子庠生元晟貢生元旻國學生元昱元杲大同府同知元昆傳詳宦績

金伯爵字亞侯性純謹重然諾嚴取與遇人渾渾不見圭角伯兄嫂歿遺子襁褓復遇危疾殫心調治得生與仲兄同居友愛下帷攻苦至老不倦子紹倓字鍾奇生有異質弱冠入庠食餼親卒後築廬墓側佔畢無間寒暑賫志以歿所作詩文甚多葉自秀字子茂兄蚤歿三子俱幼嫂傅氏苦節自守秀撫姪若

子教之讀書嘗就學數十里外賈送薪米不以家計紛姪心後俱列庠序均畀以田宅時稱長厚

胡自南字來薰歲貢生清初隨父廩生文貴避兵主薄寨兄弟五人皆死於難目南奉父歸滿溪坪舊址居焉及歿廬墓不忍去流寇焚山環墓號泣火遂滅

程映字蔚章邑庠生性孝友胞兄弟早逝撫孤姪弱女如己出堂兄萬卷被擄在外四十餘年賣產遍訪迎兄卷歸所有田產皆均分仍多撥己業百餘石子三光潤出繼伯父光治邑庠生光濂貢生

沈宗洛字聖水太學生事親孝父病亟嘗糞甘苦及歿哀毀中

英山縣志

卷之十一

人物志

孝友

五

禮順治八年黃岡大饑士民就食者四百餘家宗洛計其戶口散穀七百餘石後爲大盜所誣逮至黃士民奔府具保者一日千餘紙太守知其孝義遂釋之二子四孫俱列庠序

段肇濂邑庠生母病三載湯藥親嘗朝夕不離仍割股以進病遂愈臨財廉或橫逆相加受之不與校年八十足不履城市族黨咸稱誦焉

段肇仁字士愷太學生考授州同年十五失怙事母孝撫弱弟肇伊友愛甚篤捐貲置祀產言行慤質族黨敬憚之肇伊字商佐太學生考授縣丞少孤力學事母兄孝謹兄弟各生三子皆能世其家云

沈榮字卉木事親孝親病刲股二次及歿哀毀骨立兄榮卒撫孤姪如己出子詩觀如臯訓導詩名邑庠生詩用國學生
沈詩和字聲諧貢生事親孝母氏鄭年九十餘老病不能行親負出入備奉甘旨及歿哀毀不茹葷廬墓三載足不履庭戶子典謨訓誥多列庠序

程光潤字僑言邑增生幼繼伯父時嗣母氏王青年守節潤事之孝及歿潤年已六十有二哀思無異孩提三年內不飲酒茹葷杜門不出邑人稱之

江漢文字豈湖邑庠生孝養父母善事伯兄父老病篤醫藥不效急嘗其糞齋戒祈禱噬左股剝肉二勺入藥中次日遂愈兄英山縣志
卷之十一 人物志 孝友 六
漢彥字次路考授縣丞職里人李思孝無後田施月明寺彥爲之言於官令寺僧修其墳墓歲時奉祀焉

鄧炯字尙旃歲貢生年八歲嗣父林楨歿哀禮兼盡母疾湯藥不假他手侍寢側者四年母嘆曰立子如此親生者當愧赧無地矣及歿倚柩哭泣足不出幃廬墓三年憂思成疾親友勸之始歸郡縣皆額旌焉

胡天經字孝緒邑增生貢生自南子少孤年十五刲股愈母疾敦孝友析居後猶分己產與兄天裔子三如玉國子生駿驄皆邑庠生

鄭元譜字係九苦心積學雍正七年拔貢肄業國子監以母老

告歸兄弟同居白首無間言諸姪少孤者撫之如己子親歿移居墓側顏其堂曰依依著有依依堂詩集生平足不履城市子二一崧舉人一鏞歲貢生

段再達樸實少慾幼而嗜學年十八補諸生兄弟四人遠居長父遺產業悉讓於弟貧苦筆耕生平多善行子肇端應童子試學使衡文夜將半見其卷面有異光疑陰德所致招覆時問之肇端不能對則曰吾父行善數十年理或然也

段再聖邑庠生性長厚田產多與本支耕種鄉鄰貧乏者出家厥周之製藥濟人不索值足不履公庭族人推爲家督母病刲股和藥醫之知縣旌其門曰善蓋一鄉

英山縣志

卷之十一

十一

人物志

孝友

七

杜有律字維聲國子生縣丞必興次子父疾刲股兩次尋醫霍邑去家百四十里自負藥囊與醫王姓者同歸日暮虎撲醫有律後至祝之虎卽舍去時稱孝感父歿同兄有言廬墓三載母氏蕭染寒疾焚香告天請以身代及卒置廬墓側朝夕哭踊者復三年事庶母王如所生兄性素揮霍產業半爲所廢不忍分析毫無怨意自少講學無疾言遽色知縣李嘉其孝行屢欲請旌固辭乃止子興洪國學生

彭應軫字金輅庠生選授州同性至孝事親夏清冬溫始終不懈母病疽爲吮潰汚割股調羹以進嗜學無書不讀著有名儒集考士林欽之

段再麒字毛伯幼穎慧號神童十五補弟子員康熙戊辰膺歲薦著述甚富邑士多負笈門下弟庠生再麟分居後家業漸廢老而益貧再麒與以己田二百石族黨貧乏者周之子召昌列膠庠

沈應大字輝士邑庠生母病痺痿醫藥不效立願祈禱日夜虔誦大士神咒數千遍刊刷勸世患漸減晝則負以出入夜則侍其寢側十餘年乃卒泣血三年妻傅氏亦孝湯藥親嘗濯污不假他手始終無怠子尙經尙絨尙瑞俱邑庠生

鄧焜邑庠生性孝友母氏汪病篤刲股救之而愈逾年憂感成疾幼子大綸亦刲股救焉

英山縣志

卷之十一

人物志

孝友

八

鄧昌蹠拔貢生母聞氏病篤刲股食之立愈並詳宦績

胡學旦字公碩國學生父守祉字近山武健多力明季賊猖獗聞名趣避之力弱者多托庇焉學旦性孝友豪俠好義弟學炳繼母出也幼失怙恃旦撫教成立與子克讓同入邑庠及析居田廬視所欲悉與之立宗祠置祭田嘗捐資贖人妻子凋殘無倚者多收字焉凶年瘟疫出穀帛棺木周濟者數載年七十舉鄉飲大賓臨終呼三子將時人所負債券悉面焚之妻章氏亦樂施予康熙乙酉丙戌間數凶歉每歲出谷十石煮粥濟貧餓給醫藥棺木盤費藉以生全者甚多修橋建寺所費亦千金有餘年八十四乃卒克讓字允恭孝友有父風每遇歲饑施粥解

衣里黨多沾其惠次子延調字和公由監生任昌平州吏目改霸州居官廉勤上游待之優告歸優游詩酒訓課子弟無疾終鄭奔埤字子餘奔埏字子際埤年十歲埏九歲同入邑庠性聰慧善屬文父歿同廬墓三年子及孫曾多列庠序

鄭元度字兩如邑廩生善成父志事母孝治家有法弟元兆字吉占增廣生早孤事兄惟謹不與外事肄業心蓮寺隆冬與兄對雪吟咏不輟著有周易題解藏於家從弟元璐字最白生三月失恃繼母氏王撫之甚篤入邑庠以麟經膺薦者三會兄元亮病革隱憂成疾臨終囑弟元春曰吾母養未終不能瞑目幸爾孝事承歡顧予及兄兒女爲弟累耳後元春教養兼盡鄉族稱之

夏之時字寅斗邑庠生幼奇穎與父避兵山谷猶手不釋卷五經子史多手錄教諸弟之日之玉之正皆列庠序授徒講學成就者多

彭應正字鼎璜由庠生選授州同事親能以色養兩弟早逝撫諸姪逾於己出遠近稱其孝友有十丈夫子常戒以有智勿用盡也嗜子史所著希賢集多仿莊老時藝亦古雅邁俗

沈詩用字方介國學生事親孝兄弟同居數十載毫無間言析居時出其私產奴婢公分終身不入公庭設藥局修橋路知縣鄭重旌之曰德行可夙

段肇球字振九二歲失怙事節母夏極孝妻方氏亦善事孀姑時人稱之球有疾知不起囑其子曰汝祖母苦節不及送終罪大矣我死殮以衰絰及卒殮用吉服不瞑其子哭曰祖母在而用衰絰若之何乃瞑

余道高字集成邑庠生喜讀書怡情邱壑有子五延渾入邑庠延深延泓延溶延藩俱國學生延泓字維舟幼失怙常總家事與弟延藩甚相友愛母年八十餘奉命惟謹分產未嘗爭論邑有公役咸襄助焉歷任屢額旌之

聞學訓字傳仁候補州同知少孤事繼母吳氏克盡子職撫諸弟友愛無間言邑侯林常額其庭曰敦行不匱

英山縣志

卷之十一

人物志

孝友

十

聞學謙字懷樸邑廩生嗜學能文清直自守父歿與諸兄弟友愛孝事繼母都人士咸推重焉

余維正字位中捐縣丞職少孤孝友恪遵兩世荻訓兼撫羣季成立生子時選時可時遂年六十五卒時可繼立胞弟維大維大字堯瞻自幼嗜詩書著有松筠堂詩箋乾隆四十二年由附監銓兩淮鹽政廳抵任未半載抱沉疴妻劉氏事奉湯藥刲股救之不得卒於任撫子扶柩歸時祖母暨母猶在堂內外整肅孝友可風士林咸稱頌焉

段祚譜字牒菴庠生性嗜學生平孝友好義父鵠染疾適連雨大水聞城有傳醫卽涉險渡南門河推桴至蕭公潭下衆駭異

譜冒危尋之偕歸調治得愈後母胡氏病服藥不效醫灸艾火
母畏懼譜卽灼艾分痛爲母導先母依此治之果愈妹丈鄭四
依早逝與兄庠生祚誠憐妹青年矢志礪節捐資買鷄鳴河與
棗樹灣田百餘石獎之蘄邑程吉仁之子年七歲被拐鬻太湖
余倉林爲僕年十五逃至譜家譜究所從來實程人被拐子也
余人尋至公捐金五兩贖歸程踵門酬謝辭不受譜子四長國
學永源次庠生永清三永湘字晴嵐附貢生克承先志孝事父
母友愛兄弟尊祖敬宗鄉黨無間言胞弟永淋夫婦早逝遺姪
春芳甫四歲廷芳僅二歲撫恤猶子延師課讀春列國學廷入
膠庠其子荃芳例授府經歷芬芳業儒鄉里稱之

英山縣志

卷之十一

人物志

孝友

十一

段肇濂母病湯藥親嘗刲股卽愈前詳州縣志並家乘

夏念達孝行篤實其祖日炳年邁染疾勤服侍精湯藥厥後事
父光旦亦然父病刲股救之立愈人以爲積誠所致生子二瑚
入邑庠

王從徐附貢生係邑庠錫稜長子年甫弱冠與胞弟從梁同入
文庠事繼母袁氏朝夕奉養較事生母尤加倍焉重建宗祠廣
置祀產弟梁早卒姪善熾善琮例貢生樸庠生姪孫亦監生徐
生子善煜善煒善炳善焯俱監生卓拔增生孫十一長孫安彊
庠生惟焯經管興賢館事量出入督建老宗祠不辭辛苦鄉里
咸稱之

裴萬驤字兩雝監生少孤事母孝與弟庠生萬春友睦皓首無間不趨城市不入公庭男六世啟世南入邑庠母年四十餘時染痼疾驤每晨虔誦經文爲母延壽並梓作善良圖板印送百本母獲延年卒年六十七

馬際楮早失怙無遺產而於手足間友愛情真成童時次兄際奎中麻瘵病楮經營百端往霍請醫調治未愈續聞江浦縣滕姓夙精岐黃家製丸藥能治是疾路隔千餘里楮不避寒暑往返兩次資用不給艱苦備嘗怡怡如也兄病遂愈後十餘年卒金光懌字彝亭兩事繼母俱以孝聞壯年失偶鰥居四十餘年恬如也管公祠增置祀產督建支祠以綿血食堂兄光悌敷歷

英山縣志

卷之十一

十一

人物志

孝友

十二

中外家事每相倚重嘗謂其勤儉忠厚可爲家人法里中有借貸難償者召還其券凡親族婚喪無資罄囊飲助家雖中落弗衰居恒以詩文自娛著有壽峯詩草卒年八十六子諤歲貢生誥太學生

王成泮字魯林例增徵仕郎秉性端方中懷坦白孝事父母服勞喻志終身不懈弟素病嗣以次子敦睦宗族任卹鄉鄰里人有貧苦賣子媳者邀鄰友贖完之生平慷慨有爲邑中公事與同人集議持正不阿晚年適志林泉手卷不輟戒子讀書循分勿妄想榮華子性彬拔貢生候補直隸州州判

段祚評字唐秩國學生嗜學善文孝弟立身待兄弟友愛撫孤

姪同居數十年毫無間言族中貧窮者多沐其惠子永澤永瀟永澐永滂俱入膠庠

沈盛鳴字梧岡孝友篤行幼孤父歿時所設几杖終身不忍易其處孝事母金氏家貧甘旨不具妻金氏賣簪珥以給用母以壽終哀毀如禮爲祖與父各置祀產兄早逝無出遺嫂胡氏敬事之爲立後性正直不隨俗年六十六大司寇金光悌其妻兄也重其品學援例授登仕郎子四德本邑廩生

段永澍字淮獻國學生孝友可風理戶事修宗祠捐祖墓生平行事族黨罔不敬服子芳玉貢生

沈書庠字周士歲貢生孝友篤行睦族恤鄰建公祠置祭產子

英山縣志

卷之十一

人物志

孝友

十三

五承震歲貢生承巽承秀國學承愈由拔貢任沛縣教諭陞授沙河縣知縣庠邀封典承雯邑庠生

沈承緒邑庠生母病三年親奉湯藥嘗剖股調羹以進母稍愈適屆院試緒不欲往母促之就試補弟子員歸母乃卒人謂其孝心所感

段祚誠字敬菴年十九入泮天性孝事父母愉悅敦本睦族督修宗譜捐資近千金子永凝永嶠俱入邑庠

胡可龍附貢生性至孝與諸兄弟分析後將自置產業田稞三十担分給胞兄友愛誠篤人無間言又捐田稞二十担與法華菴爲文昌會里人咸推重焉

段光錫字再之國學生父國學芳紳早逝與兄光銘事母順承旨意母方氏命捐田四十担入戶祠崇祀典光宗緒遂欣然繼其志云

蕭方鑑字準衡少嗜學父歿與諸兄弟友愛無間四房分析後兄弟家業不足復將自置田產再析每房均分田稞四十五担治家勤儉訓子義方卒年八十六

段永淞字季峯國學生天性孝友讀書礪行幼失怙事母純孝凡事曲體親志鄉鄰不軌者多方訓誡子芳標庠生芳欒國學胡應龍生子四可鎰可鉅可鎮可符恪遵家訓耕讀爲業勤儉治家兄友弟恭五世同居九十餘人共爨後因鎮房人衆分田英山縣志

卷之十一

十一

人物志

孝友

十四

稞三十担鉅理家務辛苦多分田稞十担老幼諧和四子年俱八旬

沈世塘字彩雲事節母盛氏極得歡心病則湯藥親嘗侍卧寢側妻汪氏亦殫心奉事朝夕罔懈子盛秦國學生盛泰盛春拔貢生任江蘇如臯縣教諭

王善長字元者太學生天性孝友治家有法俾兄弟肆力於學敦倫睦族修理宗譜子五次治安由太學生授布政使司經歷少孤與兄事祖母繼母孝生事喪葬如禮撫諸幼弟極盡友愛事諸父如嚴父抱病家居二十餘年侍湯藥靡懈倡建宗祠添置祭產並捐田入祠有父風焉

沈承露邑庠生性孝友多善行兄弟二析居時恒業四十畝悉讓於弟器物亦無所取後數十年弟憐其貧貲以百金始受焉沈承震字籜園歲貢生事母至孝自幼以文學著應南闈十次四薦未售士林惜之神峯山舊有彌陀禪院震建文昌閣於峯頂延師課讀遂爲邑中名勝子四盛元盛亨國學生舜卿棻俱邑庠生

黃光烈字東興歲貢生傳家孝友學問深純年逾八旬猶耽經史著有四書講義敦本堂文稿待梓子輅庠生孫炳增生曾孫臣弼以琳元孫崇憲俱庠生

沈承章字達齋歲貢生事母盡孝母病刲股救之獲愈恭兄友弟篤學老猶不倦從遊者多成就

英山縣志

卷之十一

人物志

孝友

十五

沈德深字媚川國學盛典子經歷承恩孫事親至孝母劉氏病亟刲股救之父卒廬墓三年雖大風雨及歲除弗歸旁祖無嗣墓失獨備資遠訪得之爲立石入譜牒歲旱齋戒誦經祈禱雨獨匝居地林家冲降以彰感應子自強國學生

聞學謨字承典太學生著作載邑志事繼母以孝著兄弟五相友愛端方守正敏達有遠識置田畝爲子孫祭祀考試備子四兆景增生兆昱兆昇兆昆皆入國學孫曾入庠食餼者十餘人讀書應試皆取資公田邑人羨其詒謀之善焉

聞興郊字樂齋增生兆景三子事母氏杜至孝母病中風郊兄

弟自昇筭輿代步博史學工書札撫堂姪孤成立捨藥焚券人咸義之子詩白貢生孫立忠立慎立惠立慈立性俱列庠序王繼祚庠生友愛弟繼祐析爨後分潤甚多撫諸姪逾於己出睦宗族置祀產自奉儉約待人不吝解推終身與物無忤族黨翕然稱之子堅善歲貢生制行亦無忝厥考云

金序瓌號驥北邑增生品學端方孝友尤篤弟序珽歷走名場席不暇煖瓌友愛之代理家務分多潤寡終身不衰以姪光悌貴貶贈儒林郎內閣中書子光愷廩膳生光恒丁酉科拔貢選授五河縣教諭光悌邑增生光忻邑庠生光顯由監生議敘河源館紀略供事以縣丞用

英山縣志

卷之十一

人物志

孝友

十六

傅繼相邑庠生明孝子傅得年之第三子也明季流寇橫行携幼弟繼訓避難蘄邑百計保全子孫秀發人以爲孝友之報云傅有可名列太學監生傅有宸生員傅帝謂之同母兄也兄弟同爨食用浩繁三十餘年不辭勞瘁鄉黨稱友于焉

傅士瑩字玉亭少孤孝事繼母張氏母病卧五載不能舉動瑩親負出入朝夕不離母歿哀思倍切瑩妻段氏亦孝承夫志瑩歿遺子二長以墀次以超俱幼氏教以義方母兼父道墀入成均超入邑庠

傅士鏞歲貢生聰敏工文爲人和厚御物端嚴孝友之聲達於里巷年登古稀族黨敬服

傅士焜字凌霄歲貢生少穎悟歲試冠軍生平孝友好義樂施
戚里有急難傾囊以濟子以坊例貢生長孫文銘歲貢生
傅士燕字聿修太學生事父母孝與弟士煦相友愛積善濟物
奮志詩書屢困未遇生子五訓以義方長以城登賢書官蕪湖
教諭次以樽以封俱增生以玲以址俱入成均孫文錦文才食
廩餼文緯文鏐列成均

傅作楊字仰震邑庠生學該古今天性孝友居心剛正倡立社
倉爲胡烈婦請旌俱製文鐫石何江甫先生有闔邑欽仰之稱
且目以爲澹臺再世子三長士爓太學生端方正直次士燿積
學未遇三士燿才識兼優邑中倚賴孫以坪銓補縣分廳忠信
英山縣志

卷之十一

人物志

孝友

十七

誠慤以垓早卒以理入國學皆震之裕乃後也

金光樂字播安邑庠生篤志詩書事親孝敦友愛變私產以償
兄債兄遠遊厚待其嫂喪葬盡禮鄉里有貧苦者多方周濟人
皆德之

徐大敏字普周邑庠生天資穎悟寢饋經史爲文筆力幾能扛
鼎孝友性成髫齡時父輩析居卽願讓田產一百餘石與世父
監生在華管業辦公以成乃父友愛之志治家本於勤儉處事
出以公忠終身守正不阿爲族隣所敬服嚴課子孫多列庠序
蕭大林字文翰太學生年十六失怙事孀母孝撫兩弟友生平
明大義薄資財樂施與廣交遊敦本睦族排難解紛鄉里咸欽

之子方薰亦疏財仗義孫正繼蚤歲補弟子員頗宗先志
彭中炳字象南太學生性純篤剛直不阿自幼失怙事母曲意
承順母性慈御下以寬每食後承問有無罔不曰有父事兩兄
稟命惟謹怡怡如也嗜古訓尤善臨池族有貧士嘗乞書持售
鄰境見者爭購之歸告曰仗君腕力作我輩生涯矣子鈞元入
成均

徐道朗邑庠生性至孝父歿哀毀骨立廬墓三年號泣不已宗
族稱之

李朝棟字滋亭邑庠生秉性純篤孝行堪誇祖父寢疾三年晝
夜服事無間輟書不讀惟以祖父之疾爲憂祖父未歿之前一

英山縣志

卷之十一

人物志

孝友

十八

月赴試入泮人以爲孝之所感厥後事父母年至六十而於問
視之禮不疏云

姜新址字麟芝登仕郎少失怙事節母孝與弟監生新堂新垣
友愛甚篤家不越中人產頗能分潤貧族遇事恭謹接人忍讓
饒有古風

鄭本崑字玉峯附貢生性篤實事父母孝兄早逝敬事孀嫂視
姪猶子延師教讀俾克成立

金紹僑字東村歲進士品學並重子國學序球庠生序壚歲貢
生序璈歲貢生序塘貢生序玳皆秉父教藹然和樂共敦孝友
沈尙成字虞簫邑庠生十三歲失怙事母極虔母病百計調治

得愈教學成就最多不失爲道學中人

葉榮淮字金陵太學生兄弟三父早逝家道中微勤儉謙讓漸致豐裕事母氏鄭極孝兄弟友愛不忍分爨待鄉里宗族義行甚多終無德色子三夏芳夏綦夏忠忠出繼弟榮濃爲嗣例授布政司經歷芳綦俱國學生孫四超字承恩邑武生例授守備府鳳翔邑庠生鳳翥例貢生皆金陵之詒謀遠也

余良純字思文邑庠生性渾厚質樸敦崇實學與弟登仕郎良浮邑庠生良濟極友愛日以古道相砥礪尊師重道子三善吉邑廩生善祥善福入國學姪善昌善瑞並入邑庠孫曾入庠食餼列明經登鄉榜者十餘人皆善承家學邑人咸羨其穀詒之

英山縣志

卷之十一 人物志 孝友 十九

遠焉

葉夏忠字行之例授布政司經歷天性穎悟任事勤謹爲生父母所器後與堂弟夏恕同繼胞叔榮濃裡祀事立母鄧氏甚孝居鄉溫厚每歲底輒捐谷石賑濟貧寒子五瑞麒瑞麟瑞青瑞彩時雍四入邑庠雍例授州同

傅以珂字鳴軒太學生性聰穎工詩文少孤事母孝兄早逝敬禮孀嫂以子嗣之姊氏家貧爲甥延師課讀成名堂侄幼孤撫如己出族里善之

彭豫元邑庠生事親能以色養父病痰疾每遇家小卽鞭笞笞後輒曉時事醫云怒氣伸故痰氣化也豫常携夏楚呈父前跪

而受之家貧藉教讀爲供養凡居停辦送館中暈味不多食量其自食多寡留備旨甘親歿居喪確遵古禮人稱其孝性穎悟博覽羣書而經學尤體會入微平生不苟言笑動必中禮縣教諭常春和擬以孝廉方正保薦因兵燹不果士林惜之

沈盛福少孤事母孝母病侍湯藥始終不懈胞兄盛祿析產後貧窘將田稞七十担分潤凡屬義舉尤樂捐資

聞兆昇字東奎太學生敦本睦族事父母繼母孝兄弟四人相友愛嘗倡置孔家坊渡田又率族營置十義祭產今族中祭祀考試義舉皆賴焉子興邠邑庠生慷慨有父風孫詩雅入國學鄭元漢號松圃太學生夙負奇氣遇事敢爲兄弟七人多早逝

英山縣志

卷之十一

十一

人物志

孝友

二十

以子一樸繼長兄後與弟元濱相友愛推田讓產翁無間言經理祠事舉廢交飭族人服之

楊道禮字士烈勅封儒林郎兄弟四序居季生時諸兄先已分析兄體親志將重分產業固辭遂止生平勤儉自持家漸饒裕孝親敬長篤族賑貧邑人稱之子六長煥次鼎五炯俱監生三炳例授布政司理問四潤附貢生六藻庠生孫昌泰昌業亦列庠序禮年七十八卒

聞興邠字相齋太學生孝友性成極得父母大父母歡心兄弟白首無間晚工岐黃術活人甚多

葉夏芳字本望讀書敦行以孝友稱捐田稞十担入雷鎮東嶽

廟子鳳翔邑庠生鳳翥例貢生

金序璈字萼亭幼穎異大父光祿大夫天爵鍾愛之年十七與胞兄序璣同歲入泮甫及壯偕胞弟序塘前後舉明經終身讀書修德不倦嘗署聯座右云此身合付詩書管些事須防天地知尤篤友愛析居時璈念長兄負病乃以己名肥業易其荒頓者時人比於漢薛包云子光慄登仕郎光憲光慶俱國學生存心立品鄉里稱有忠厚家風孫諒鎔俱庠生

聞詩和字稼軒明經詩白胞兄與白善事老母教子弟嚴肅無敢越其家範胞姊儒童傅以塚室塚早逝無嗣和兄弟體親意迎歸以堅姊志子立忠以縣試第一名入學孫禮信庠生

英山縣志

卷之十一

人物志

孝友

二一

鄭昌衢字堯康太學生性孝友嘗自鬻其產爲戚族償逋負家遂中落性耿介人咸服其正直居恒教子讀書爲務次子光藜成立後命過繼亡弟昌霽爲嗣凡關倫常事多所曲全晚年移居十八桃花別墅過門者輒指曰此忠厚孝友人家也子光蔚光藜俱廩生光蕙庠生

沈舜卿字左軒庠生性嚴正事母獨能色養族黨紛難多方排解咸敬服之

鄭本楫庠生年十四孤事孀母克盡孝道性謹慎處世謙和閉門課讀不輕履公庭享年七十七次子昌迪增生孫光大增生光典太學生光燃庠生

鄭光大增生光典太學生俱儒士昌遇子庠生本楫孫少孤善體祖訓事父母克盡子道兄弟友愛出入必偕事胞叔嬸如事父母惜皆不永年

金諒字友三庠生少孤力學事母彭氏至孝母有怒恬然受之甚則號泣請罪必得親歡而後已鮮兄弟愛堂兄弟如同胞年三十無嗣卒

聞立慈字柳溪增生貢生詩白三子也少穎悟儻不羈著有瘦吟窗詩草處骨月有真性情理家務能代父兄分任姊氏許字廩生鄭光蔚未嫁病篤慈方童年侍姊疾衣不解帶數十日歿後雖十餘年每歲春秋上墓必爲泫然淚下其篤手足如此

英山縣志

卷之十一

人物志

孝友

二二

傅以樽字薦馨增生讀書立品靄然儒者氣象於天倫最篤孝友達聞明大義宗族皆所顧惜子文緯監生

傅以封字汝康增生少孤事母金氏愉色婉容以孝著與兄孝廉以城增生以樽各守一編怡怡友愛居地鹿溪入其家頓覺太和在室處世無彫飾光風霽月品望卓著士林子文才歲進士卽補訓導文欽庠生孫守藩庠生

沈盛名字師白歲進士性孝友父病嘗糞甘苦割股和藥以進立愈母病復割股救之父母歿喪葬盡禮與弟盛業分析已久復將自置田產分給之宗黨皆稱其賢

沈盛時太學生週歲失怙恪遵母教能以色養捐田爲祖父母

祀產戚族多所周卹督修金家舖東嶽廟慷慨捐資凡遇公事類皆如此子五驥德鶴德入成均

沈盛品太學生幼失怙事母孝創業成家與兄盛迪盛堂友愛無間言共捐田稞數十担爲祖父祭產子四長子潛入國學

沈德純性敦篤崇古樸父早逝奉母孝事伯父如父供奉甘旨胞弟德漑歿遺孤二撫養成立捐百金入私祭以勸祀典子一錦太學生

段永鋒字玉良父祚珍早喪鋒事母氏趙以孝稱每侍疾衣不解帶妻匡氏亦賢淑生子五幼子希芳篤友愛與妻黃氏甘淡泊將遺產業悉讓諸兄自以筆耕爲生活人咸稱之

英山縣志

卷之十一

人物志

孝友

二三

金光愈字亦韓庠生性純孝雖年逾七十父母忌辰猶淚泣思慕接人溫恭居鄉無私曲耽吟詠著有留情草子宗誠職員信庠生

金序璟字廣平增生孝友篤行忠厚可風幼善屬文弱歲游庠屢膺房薦不售士林惜之子光崑監生孫宗權監生宗斌庠生金紹機庠生監生掄爵子性孝友弱冠游庠膺房薦不售賈志無嗣歿掄爲捐田入祠享祀邑令劉題聯云文章未盡生前志俎豆猶留歿後名

金光愷字汝寬弱冠食餼工楷書制憲觀風評爲銀鈎鐵畫弟光忻庠生亦工書性孝友以仲子宗劼嗣之劼性敦篤工文未

售孝事繼母立母居喪哀毀相繼卒里黨惜之

徐廣庠生幼失怙母染病三十餘年湯藥扶持無稍懈姊寡居無嗣家壁立迎歸與母相依爲鬻衣釵獲數十金竭力營息並爲立嗣戚族稱其孝友

胡華炳太學生性孝友胞兄太學華聲卒姪應有應烈俱幼視猶己子撫孤成立有入成均烈入邑庠分產後責成戒敗之念每飯不忘常云若得兩孤聽訓慰兄靈於地下吾願足矣子四次英庠生餘皆業儒卒年六十八合族慕感將公共吉地立據安葬以嘉之

裴承連耆壽性友愛敦厚有識力遇里中紛難多所排解雖累

英山縣志

卷之十一

人物志

孝友

二四

耗資財亦所弗恤同懷四瑛弟早逝連撫孤與弟監生璐怡怡無間教子姪以義方次子萬騏三子萬象孫世楷相繼入泮卒年八十

劉才純少孤貧母張氏患疾二十餘年竭力侍養與弟才浩友善協力成家析產不較厚薄浩亦恭謹無間言捐有曾家巖渡橋里黨稱善子春華監生

彭其韶庠生性純厚凡關倫紀事躬行實踐母氏王喜推解嘗虞不給韶獨悉心承順每歲暮館歸俸金持呈母前虔請所與嗜古枕經史至老不倦子中煒孫續元俱庠生

王企傑庠生性友愛幼失恃父歿泣血廬於墓兄企偉試歸七

日卒傑慟哭氣盡復甦課姪承裕承露俱入庠子承欽業儒
王企儀性謹厚輕資財父輩三儀以長房後承繼二房田產應
勻分乃因兄弟衆多分產多所推讓友愛可風子承裕庠生
鄭昌珣廩生字克三性孝友週歲喪母逢母忌辰登壟流涕爲
人正直族里式型尤能成就後學

鄭昌冕增生字尙周篤性情敦孝友存心立品教授生徒出其
門者多成就

蕭如瓚庠生少失恃事繼母能盡子職家貧菽水承歡稍有不
悅卽愉色請罪人稱其孝子懌宗另傳

蕭懌宗字紫峰恩貢生品端學粹孝事父母生敬養歿哀泣廬

英山縣志

卷之十一

人物志

孝友

二五

墓三年每逢父母生忌不食甘旨尤敦友愛與弟渭宗庠生性
宗皓首同居生曾滿室懌家素貧筆耕自給至每歲所得館金
輒分潤親屬性耿介光緒紀元公舉孝廉方正不受後兄弟均
登上壽人以爲孝友之報懌卒年八十五渭卒年八十一性卒
年八十二子燕序庠生敦品勵行名噪士林

段芳羔例贈修職郎性嗜詩書克敦孝友事父母色養服勞終
身不懈與幼弟析箸分多潤寡不計有無他如置祀產建宗祠
竭盡心力族黨翕然稱之子光鑑辛卯科舉人選教職

方之魚增生本增生德採子出嗣伯父庠生振後與胞兄庠生
之薰太學生之炙分產析而爲三養生父孝而事立母彭氏尤

誠懇篤摯忌日哀如新喪子訓廩生範庠生論者以爲純孝之報云

方一位治家有法弟多病極力調護督率子姪勤苦力作所置產業與弟平分子姪有入成均者

鄭良三取侑生未遇例授太學生六十年色養不懈父母稍不悅長跽請罪母歿哀毀踰禮愛兄至篤析產後代兄籌畫不恤資財兄病泣侍榻前情深灼艾孝友篤行鄉里推重

金紹栗字鳴岐太學生與胞弟太學生紹棣髫年侍父疾湯藥親嘗事孀母始終無間篤友愛出入必偕父母忌辰焚香泣拜至老不倦壽均八十餘卒栗子序琪附貢生序敬序澳國學棣

英山縣志

卷之十一

人物志

孝友

二六

子序潤國學生

余維薰字春芳性孝友母病數年奉養不倦管理祠務督修家乘延師課子俱費經畫子時新庠生

段永澤字兩滋太學生秉性溫和事父母孝事後母尤孝兄弟間能敦友愛人皆稱之子芳紀太學生孫光映光盱光辰俱太學生曾孫昭坦職員

段廷芳庠生敦孝友少孤事伯父附貢生永湘伯母鄭氏如父母胞弟國學生春芳歿撫孤侄良光猶己子延師課讀例入成均族黨稱之子光炤亦入成均

王人傑庠生太學生善長三子生有至性事父母以孝聞旋出

嗣庠生善良事之孝敬倍篤曾爲嗣父頭風買舟下蕪湖購百益酒中流遇暴同行舟多覆突大風橫折傑舟觸岸泥濘而止孝所感也生平勇於爲義焚貸券捐橋梁修道路所施者無算且好古年六十餘手錄朱子綱目一百二十部星經地志數十部家藏之子修篆庠生修月廩膳生

王修朝家貧未學生有至性事父母能以色養子四次樂材孝養倍至冬溫夏清二十餘年不懈朝病刲股以救朝歿哀毀幾絕葬復廬墓聞者嘆爲賢父之子焉

段芳枚字喬松太學生兩世單承一經恪守和平公正族黨中有不協者輒以溫言解之事節孝壽祖母節孝母生則致養歿

英山縣志

卷之十一

人物志

孝友

二七

則盡哀鄉里咸稱孝子順孫云子一馨庠生

王森庠生明經堅善長子年十五父命董家政恢擴先業仍手不釋卷屢試冠軍出祠胞伯培善胞弟三人食指浩繁父命析爨產業當作兩股平分森性友愛將近居析爲五而受其二餘俱作四股分堂孀貧苦迎養於家自五十至八十餘歲壽終生事死葬如己母戚族之匱乏者極力周恤至其約己恕人秉公守正經理祠務贊襄邑公事婉導人善多行方便皆出自至誠饒有古君子風子熙性庠生純性監生懋性庠生活性職員怡性廩生愷性庠生孫曾蕃衍累葉書香

王安宇庠生爲人慷慨磊落仗義輕財居家孝友胞弟起鳳早

逝遺子修勤生僅月餘宇引爲己任嫗孀孤苦宇體恤之稚子
丁零宇撫字之迄勤成立著有恩伯記載家乘卒年四十七子
修嘉太學生修瑁業儒

王從繩例授儒林郎慷慨好義少孤事節母張氏孝敬倍篤族
黨稱之

王善士例授儒林郎秉性端方不隨俗亦不違俗事母最孝有
安仁風宅旁建綺翠園手植奇花異卉花時爲母捧觴上壽融
融如也

汪福熾性純孝母病思肉食及肉至氣已絕熾遂終身不食肉
孫榮祖庠生

英山縣志

卷之十一

十一

人物志

孝友

二八

余善申字蘭墅太學生幼孤事母孝兄輩三先析居因兄俱故
家計中落復同居十載並以三兄所生子承祧長二兩房不忍
伯仲無嗣後析箸將己私業推出均分性聰慧八歲時尹制軍
勾當公事來英適自塾歸奇其狀令背經書氣和聲朗喜贈銀
牌二年十五何明府觀風取第一因足疾不便遠試例入成均
幼卽工詩老猶不輟曾和杜律五百餘首著有益愛堂詩集多
散失甥傅以珂收存二百餘首待刊

傅守金監生士柱曾孫祖母鄭病逾年服侍無倦病篤時跪禱
曰母如數盡願得見曾孫剖股和藥進頓愈後一月果生曾孫
閱三月乃卒

金光怡字如亭廩生性孝友當其仕宦時勢隆獨崇本實嗣後家道中落墓田祖宅賴以保存爲一門砥柱子閭屢試不售有誘以捷徑者正色拒之曰吾家衣衿世代清白何得辱我先人其剛正類如是妻彭氏亦孝事繼姑助夫勤儉年八十二子宗謹州司馬閻與宗鑾俱監生

余潤字玉山庠生性孝友幼孤家貧好讀書尤善獎勸後進性剛正尙敦睦生平品行卓著

沈樸字素園乾隆戊申舉人揀選知縣公正廉直篤志力學幼孤事母劉氏克盡子道友愛其弟不私己財先疇數畝以延師讀書費盡課讀家塾子弟貧乏者資以膏火生平足跡不屢公

英山縣志

卷之十一

人物志

孝友

二九

庭房師馮極器重之子二盛名邑廩生

胡允垠太學生性友愛兄弟子姪數十人同居一室毫無詬誶語鄉里羨之

胡允魯字繹峯太學生弱冠失怙事母孝季弟母素愛憐魯體母心勤儉自持不以家務相累延師課弟無論寒暑每晨督率往學陰尾其後俾無廢業後弟與子同年遊泮其處鄉里明決公正凡欲訟者取正於片言而止

胡允浦字濂泉邑贈生秉性孝友幼失怙恪遵母訓母稍未快意必慰問得其歡心而後已母病治湯藥不假家人手歿之日哀毀泣血幾以身從與弟析居凡田園廬舍悉憑弟欲而與之

胡允珂性友愛兄弟四人皆孫曾林立同居五十餘口內外和睦鄉里稱之

安準附貢生性孝友侍父疾數十晝夜衣不解帶凡有益族鄰之事極力成就以識量著里黨相爭者輒得其一言而止歿後人咸思之

蕭正竈忠厚存心孝友兼盡兄弟分居後有不足者輒分己產予之後子姪不足者復收合爨無難色子秦樹諸生

鄭保定號靜菴增生翰林院待詔銜性聰穎事父母孝父病嘗糞母病亦如之居喪遵古制待異母弟友愛賴以成立配馬氏亦淑慎可風爲翁姑病割股者再子衍熙髫年入泮後以翰林

英山縣志

卷之十一

人物志 孝友

三十

院編修充甘肅全省學政

李朝紳舉人泌若胞弟也若歿於京師若子秩崇尚幼家計艱難秩母意欲廢學使謀生計紳不忍命子兆蓮飲食教誨之秩入邑庠爲邑名宿

鄭昌炯庠生嗜古不倦出其門下者多佳士性純篤聆父訓袒手侍側終日不怠卒年七十餘

鄭昌煜增生性純篤事親以孝聞前邑尊翟贊送又騫二字並贈楹聯迄今教子詩書不倦卒年七十餘

王全信太學生性質樸嗜詩書父母均八十餘能以色養與兄全義全禮全智友愛好施與鄰里貧乏者多所周恤人咸德之

金潮遠庠生幼孤事孀母以孝聞咸豐辛酉春從母避亂山中賊逼近以身護母賊連砍數刀無所傷旁一賊曰孝子也揮之使退方賊舉刀時母見後有遊蜂布列左有以爲孝心所感云聞禮祈一名煥字琢章幼聰穎天性過人甫能言卽知婉順二親篤愛兄弟咸豐間父被賊虜號泣成疾父歸竟不起年十四卒士林惋惜

沈自崑字玉岡從九品銜監生驥德次子出繼胞叔爲嗣兩父早卒崑居喪盡禮奉兩母問安視膳無間晨昏性尤慷慨好義精醫理專以活人爲心不取財帛卒年四十

沈新德字旺邦例貢生性孝友父病兩次割股以救父歿兄弟
英山縣志

卷之十一

人物志

孝友

三一

友愛不忍分居及兩兄卒撫姪如己出嗜學立品好善藥施足不履城市卒年七十五子自繼州同銜藍翎候選縣丞

葉瑞麟字藍田庠生性孝友親歿兄弟輩議共湊錢數百兩買卜牛眠適堪輿云麟有私地可葬麟卽請親柩安葬其下諸兄弟曰葬親非一人事也地應議價麟不允待塾師誠敬不怠爲世所稱子六三列鬻宮三入成均

沈世富恩賜登仕郎性孝友兄弟分爨時田地自取礮瘠以肥沃與弟曰某田地吾素所耕種其泯讓迹有如此親見五代年九十卒

沈盛辭字赤城廩生家貧力學賦性孝友年十六一月三喪葬

祭如禮撫兩房孤姪如己出教訓成立族黨稱之
鄭昌瑾字玉生由增生保舉訓導性至孝母病湯藥親嘗卧不
解衣者累月旋刲股以進延壽三載母卒仰天泣血盡哀盡禮
事父亦委曲承歡族皆稱之

汪翥字虛谷積學未遇處家孝友行己直方侍父病湯藥親嘗
卧不解衣者累月居喪哀毀骨立於禮罔有顛越撫孤姪如己
子卒年七十二子三長際瑞次際琥貢生三際珍廩生俱以孝
友聞

汪際珍字惺甫廩生事父母先意承志曲盡孝道父歿母氏傅
年近八旬多病湯藥親嘗咸豐七年賊猝至衆驚走與仲兄際
英山縣志
卷之十一
人物志
孝友
三二
琥背母而行被賊擄賊中有廉得其故者義而釋之幼嗜學研
窮經史手不釋卷詩文以古人爲法著有瘦吟山窗詩稿藏於
家長子作鈞廩生

彭元珏字兩玉邑增生事繼母陳氏以色養家雖寒素供養不
豐能使母氏忘貧時稱孝性和藹遇事無爭競心人有過隱而
不發嗜古病革時每夕猶默誦經書若干卷

汪榮彩字彩瑚事親孝親病侍湯藥罔懈與兄弟析居凡田宅
器用不計厚薄性慷慨樂推解鄉鄰貧乏多賴之

王吉炷登仕郎事親善承意旨友愛昆季不私己財析居後兄
以事故家道中落炷體親志公其所有將兄眷引歸己養兄歿

喪葬如禮待兄子孫悉如己出飲食教誨始終無間平時處鄉里尤樂成人善

彭元俊字守愚附貢生父歿不數月俊始生自幼天性過人甫能言與童子戲聞有呼父聲驚問母曰吾父何在母泣語之嗣是俊於母前不忍言事母曲意承順母病刲股和藥號泣籲天請以身代母歿喪葬如禮宗族稱孝云

王以成字律諧邑庠生事親先意承志無微不入父晚年善病湯藥親嘗扶持出入夜則共床蓐冬溫被夏驅蚊如此十餘載無難色嗜學立品里中有不義者猝謀其面無不惕然生畏以長子葆修貴誥贈朝議大夫

英山縣志

卷之十一

十一

人物志

孝友

三三

王瑞泰職員存心公正事親以孝聞與弟炳照友愛甚篤族中祖事經營盡善時論欽之

王樂財邑農民也事親孝晝出耕作數回家省問父病刲股以救父卒終身不入內室事母冬溫夏清出自至誠母歿廬墓三載始歸子二義良義田均以孝著良父歿茹素家畜耕牛死則埋之數十年如一日田母病刲股治愈母歿三年未入內室並捐田稞五石建門口木橋良子常瑞父病刲股叔歿廬墓三年終身茹素雍雍和順萃於一門

段全福母汪氏患病不起福刲股救之母夢神語曰汝陽壽已盡汝子孝行肫誠延汝壽一紀母以問福福曰無之奉事益篤

母壽八十餘卒福亦享高年子孫蕃衍

劉春高家貧性孝母目瞽每髮逆至高負以逃適被賊執給曰毋殺我母願以身從賊許之隨行數里高與奮鬪俱墮崖死母因得全

余永陞幼失怙事孀母孝家貧甘旨不給藉傭工以爲供奉母病思藕破冰入湖採得母尋愈復病刲股和藥以進母歿廬墓山林松虫遍發母生平畏之朝夕搜取遠送於河邑令張贈以至行無虧匾額

胡大廣字志易性至孝幼失怙恃每逢父母生忌焚香號泣終身無間嘗捐錢二百餘兩以爲祭資墳墓無不捐資修理四世

英山縣志

卷之十一

人物志

孝友

三四

同堂卒年七十六長孫中炘入泮

徐宗誠字本源國子監典簿處世和平待昆弟分多潤寡毫無吝色奉諭督辦團防累著勞績卒年五十四子廷初監生森鹽大使銜嗣孫應國學

胡允齡庠生少孤事兄惟謹自幼至老事無不稟兄命或小有過兄於人前斥之愉色以受不稍忤鄉黨稱之

聞禮森原名禮禕號梅村監生工楷法嗜吟咏少孤事母孝母怒愉色侍側未得母歡不敢退鄉里欽之

徐光怡字應堂太學生友愛兄弟忠厚傳家道光丙午督修家乘悉心經理合族羨其公正卒年五十七子林例貢生孫鎮職

銜廷魁武庠廷瑞廩貢生

段志剛增生事父母盡物盡志藹然可風族黨稱之

胡奉禮性寬和早年失恃哀毀成疾撫孤侄如己出諸弟賴以成就子順義順紀順懿太學生

胡順仁太學生性和順友愛兄弟始終如一子秩亭太學生

葉焱樞字星村太學生性孝友事親曲意承志兄命恪遵不懈嗜古工詩學善書法著有靜修書屋詩草

胡悅字春泉庠生志氣軒邁遇事深明大體不拘小節性尤友愛胞弟應煥以事故牽累赴省旋赴壽春諸凡叢脞悅不忍其遠離隨行調護艱苦分嘗數載無難色嘗曰脊令知共急難人不如鳥可乎

英山縣志

卷之十一

人物志

孝友

三五

胡霞舉字綺軒附貢生嗜古不倦性孝友事親曲意承順撫孤姪如己出遇事嚴密有守有爲粵逆之變籌辦團練捍衛地方疊蒙上游奏獎以教諭選用並加五品銜子五順鑑順槐監生順律庠生

聞永堂幼孤貧事母曲意承順母病湯藥親嘗人稱其孝劉才芹母病刲股三次平時亦能色養鄉黨稱之

葉瑞麒字書田庠生性和厚篤孝友邑尊翟題贈繼述堂匾額葉瑞彩字心田邑庠生性純篤恪守父兄彝訓以孝友聞鄭光熿性孝友兄弟析爨後屢次分潤終無間言經理祠事多

所培植族人善之

汪家彬字立軒秉性孝友幼孤承父遺訓動不越禮事母先意承志務得親歡事兄家楷無忤色卒年四十四

汪大觀字國光監生度量淵豁事親以孝著與弟翥友愛沒齒無忤色母黨親及諸媼舊稱貸不能償者焚債券約千金卒年五十九

汪大棋幼貧養親以色少長貿易給甘旨同治甲子賊至棋被執父爲哀懇賊抽刃刺父棋乞身代遂爲賊擄至蘄水口中猶喃喃念父賊惡其欲逃遂爲所害時年四十

汪大和幼孤貧母嫁蘄水距百八十里和傭工具資每歲省母
英山縣志 卷之十一 人物志 孝友 三六
者再尋復領母供養生事葬祭罔懈胞叔家元舅祖母孫王氏均孤貧惟和是倚

汪作林性渾厚處家孝友咸豐丁巳賊入境舉家逃避林以兩叔病老獨後扶持爲賊所害時年四十四

鄧蓋英字潤芝性孝友母病刲股以救事後母尤善嗜古院試三取侑生不售築室文峯山教讀爲業年七十一卒

汪大信字從矩少孤奉母孝嘗捐貲存祭子際珠善承父志事適母庶母均以孝稱

鄭衍順號祐階庠生喜施予精岐黃術代入診視不索謝遇貧者輒資以湯藥事親愛敬兼至父病嘗糞母病刲股孝心肫摯

人無間言

李朝陽性至孝粵寇入英負父匿深山中賊突至家小奔散朝不忍離同遇害

吳殿璽事親孝親歿廬墓三年寒暑無間人咸稱之

蔣克昌少有至性家貧無以養親乃棄舉子業爲人傭書得值具甘旨必誠必敬母病篤割股和藥祈天以身代母歿哀毀備至遂茹素終身品端正每面折人過能改悔則相待如初以三子槐午貴誥封奉政大夫

陳思照從九品弟鰲庠生天性純篤事親孝親疾焚香告天願以身代親歿兄弟益友愛不忍分析子孫多列庠序

英山縣志

卷之十一

人物志

孝友

三七

杜占鰲庠生性剛直事親孝親病剪肉焚香求愈子貫甲入泮蔡興煥廩生性孝友生平苦志詩書品行端正卒年七十餘子以端庠生

胡輔安太學生性渾樸忠厚傳家兄弟怡怡晚年倍篤友愛妻石氏內助稱賢子天錫例貢生有三樹滋聘三皆太學生

嚴德周監生父病躬侍湯藥數月罔懈恪承親志督修家乘捐置祀田族人稱之

金祖勳號桃村由庠生保用江蘇鹽知事性慷慨卓犖不羈事親尤孝少失怙稟承母訓母怒匍匐受責怒釋方起兄弟四勳居次克諧以孝撫孤姪如己子人咸稱之子光溢理問

蔣克定事親孝喜施與樂排解子姪讀書飲助膏火尤厚以姪槐午貴貶封修職郎

李克鳳字丹山原籍蘄州居家孝友處事公平尤能敬惜字紙躬親收檢者三十餘年不辭勞瘁子一樹滋庠生以長孫士彬貴貶贈文林郎翰林院庶吉士

胡伯爵性友愛兄弟析居後撫孤姪如己子私置產業與姪平分卒年八十二

金光業幼孤事孀母以孝聞曲意承歡終身無間兄弟間怡怡如也卒年八十

金宗大性孝友事親能體親志慷慨好義每於修廟造橋不惜
英山縣志 卷之十一 人物志 孝友 三八
飲助乞人斃者施以棺木卒年七十

王佑賢性廉靜讀書務求實踐於古文性理多所發明事親孝應廬州試獲取終場首卷將近院試聞親病束裝歸省自此依依膝下絕意功名母歿築別墅耕釣自娛見者曰烟波高士也潘靜和字東山大冶籍幼事親孝養兼至年十五失怙恃喪祭盡禮弟幼和甚友愛獨任家務辛苦備嘗能以貧苦興創年七十一夫婦齊眉長子安敬入國學著有孝友尋源待刊聞興鄰字德齋號淑芳幼失怙恃終身若孺子慕兄五事之如嚴師積學未達山居頤志名不入案牘足不履城市有古君子風著有習靜齋詩集子詩禮著有退學詩鈔六卷待刊

王修綬廩膳生字梅溪秉性溫和慎交遊寡言笑規行矩步綽有先正風嗜學工書事親處骨肉尤以孝友著子樂松由附生保舉縣丞

以上同治庚午志

蕭宗信字曉林儒士居心忠厚植品端方幼孤飲食教誨惟節母傅是賴信恪遵母訓勵志詩書家素貧堂弟宗輝宗晃襁褓失怙恃信養之於家俾克成立輝令傭作每歲工資爲之權子母令晁讀並爲之定親婚配至親屬訓成戒敗望之者莫不生敬畏心平生刻苦攻書究心根柢精制藝阨於遇未獲售後友教鄉里門下多知名士子步雲庠生孫元吉優附生

傅用周太學生性天篤厚事親承順雖有呵責起敬不違少時英山縣志

卷之十一

人物志

孝友

三九

與弟析箸後復同居家務聽弟支持毫無計較爲人排解言論持平人皆感服

傅用曝鄉飲賓天性肫摯高堂問視明發有懷處骨肉之間深明大義有無相濟急難相同親愛之象無異仁人

胡昭祖號晶奎通經史尤精易義髫年入庠食餼遭母喪廬墓三年虎狼入瞰祖不爲動里人爲建孝子祠服闋偕聞一言讀九龍山寢曲木攻苦相與銘曰未登虎榜不下龍山言領鄉薦祖無愠色讀不輟逾年膺選貢又明年中式北闈泰昌元年任遂寧知縣署浦江擢潼川知州調任漳州所至興利除弊多善

政年六十四致仕歸民咸立碑紀其德

正誤舊志

胡燾字與齡國學三歲失怙事母段以色養母年邁出入扶持朝夕罔間每髮賊竄境負母先逃賊搜山見燾白髮蒼顏問所負曰吾母也賊義而釋之母沒廬墓四載每食必先奠祭并請旨建祠以彰母節邑令王以孝行可風額之

增補舊志

胡正昭字名卿兄弟三篤友愛妻張氏無出立姪大林大亨後繼娶吳氏生子大鵬遭明季兵燹田廬被強踞者多吳氏以存忠厚積陰德勸昭昭德之教子勿以家人產業爲念特將本支祖墓老譜所未載者再三詳告後人得展拜墓門昭之力也

胡湘號沅溪幼飽經史敦品行屢試不售偕兄澍歌嘯松山有松山自昔留名勝古月常明照舊家之句晚年談笑坐卧必與

英山縣志

卷之十一

人物志

孝友

四十

兄偕友愛之情老而彌篤

蕭大亨號嘉會從九銜事親孝友愛兄弟且好善樂施製有義升廣濟丐者常出資收買字紙淨處焚之目及孫曾蕃衍論者以爲行善之報

胡勝鈿號東渠增生兄弟四鈿友愛作姜被眠子時達亦孝友入成均父子皆有品學教授不倦善著一門

胡時仁字壽山貢生事親孝父病刲股和藥以痊與兄時懋愛篤友于兄沒事媪嫂段敬恭不怠視諸姪如己子年六十二無疾終

段光耀字啟緒性至孝母病刲股治愈

段光文字慶松從九職性至孝父病割股治愈

聞禮祐字篤卿歲貢生品端學博屢薦未售性純孝年方舞勺事大父疾三年人以孝孫稱甲子大亂母病篤寇至門三次死守不出旋移避山中兩處寇處處焚掠獨此處無犯後十餘日母卒是夜四面烽火泣帶長子風慶歸家將母身後衣物一一取至紵殮如常聞者咸以孝心所至殆有天相云著有忠孝錄十五種思親哀錄語一部存真堂詩草五十卷家範三十冊待梓卒年八十有二子風慶幼理家務孝事大父母友愛兩弱弟實能善承先志云

鄭光森字悔初上庠生早喪父事母吳氏至孝常禱佛誦經願

英山縣志

卷之十一

十一

人物志

孝友

四一

自損天年以增母壽中年寢饋詩書絕意進取士林咸敬服之聞禮彤字赤軒上庠生父立嵩忠厚長者中年生彤有孝行兢兢盡道父先歿母梅氏家法整肅責備甚嚴偶值怒未嘗變容伸辯立侍不敢退終身不改常度伯父立岸庠生岸子遇清庠生均寒儒彤屢出資分潤伯父母暨諸兄喪葬各費均以爲己任孝友洵無忝焉

聞禮祝字雪亭優庠生生平文墨經歷任名宦暨邑中宿儒深推許性至孝事後母如親生父老來疊遭外侮憤不顧身力雪其冤課授生徒循循善誘受益獲雋者多著有分寸軒詩草聞載餘字啟齋性純孝三兄早逝家徒壁立母年七十餘行備

採藥以養自不茹葷堂上旨甘不令偶缺撫育孤姪教養兼施聞有元字得勝昆弟四齒居長父母愛憐少子元能曲體親心析居之時率兩弟推讓田產多歸幼弟至於負債莫能償者輒取券交之其存心之厚如此

李正崇太學生性孝友兄立崇早年分爨不事家人產母氏憂之正體母意復與兄同居後病篤依舊各爨兄有三子共給予田稞四百餘担錢三千兩捐田稞一百三十餘担入盛公祭姪女輩均厚其奩贈邑紳彭庸嘉之於修家乘時贈序以紀其事黃顯緒字亮若十九歲失怙撫三胞弟成立治家嚴正力繼書香親見季弟入庠補增子臣弼入庠析爨時擇其肥沃者付諸英山縣志

卷之十一

人物志

孝友

四二

季弟人樂稱之

李仁崇性孝友兄弟五分析後均難自給崇貿易有田稞頗裕時慮諸弟貧將腰磨畷田稞三十餘担分給諸弟又慮姪某無家室復分田稞七担餘族黨稱之

蔣如芹性沉靜待父母病衣不解帶兄弟染疾湯藥親嘗課讀里門從遊者多所成就長子宗鑫能繼父志昆季五同居不忍分爨蓋齊家有道云

段廷琛拔貢生聰穎好學博通經史教授英蘄六霍造就成材者近百人性至孝父母年逾八旬奉養周至父病篤割股和藥以進母病如之兄病亦如之胞兄弟六均貧窘每歲館金不自

私一分潤姪輩力未能娶典田質衣相助其友愛蓋出自性生也及疾篤妻尙氏亦割股以救云

段慶梅文庠生孝友性成學行純正平生不濫交結不積私產與弟文庠生慶蕃友愛肫篤蕃早卒撫侄大廷如己子卒賴以成立族黨胥稱頌焉

段大用字道耕國學生勤儉剛明不畏勞苦治家管公綽有興創性孝友凡事恪遵父命雖鞭撻相加不敢稍存怨懟兄弟有七五弟大翼中年無偶力不能娶用一身獨任其事出金擇良家女聘之後翼子林立亦教誨如己子

段昭恩太學生痛父早逝事伯父以孝聞捐田入族祠辦祭興賢與祖所捐共田稞六十担撫弟遺孤教養兼盡族叔某力未能娶貸百金叔貧不責償焚其券忠厚洵可風焉

段燮勳文庠生性至孝母歿哀毀三年事繼母曲承意旨始終不懈兄貧與嫂相繼歿喪葬費皆借貸因教授霍邑取館金償之撫姪如子飲食教誨皆一身任之

段辛昭事親以孝聞父繼光篤於學屢試不利抑鬱成疾辛禱於天割股和藥以進咸豐癸丑粵匪竄英父罵賊遇害辛痛不欲生祖父訓誡曰旣遭此變應秉春秋復仇之義乃爲大孝徒以身殉何益於是節哀順變日夜以殺賊爲心援例報捐主事簽分兵部喜曰今後乃得遂不共戴天之願矣到部當差惟謹

籌捐轉餉心力交瘁保獎以直隸州知州分發湖南補授郴州在任六年每念母年高不克親奉甘旨遂稟請終養母年八十八壽終哀毀盡禮宗族翕然稱之詳仕籍

段榮昭兄弟三兄辛昭筮仕弟續貞讀書榮持家政一切皆所部署內外雍穆秩然有序同治甲子髮捻蹂躪奉母避亂僑寓蘄春家人僕婢六十餘口安置妥帖東南底定全眷歸里疾痛疴癢存問一如平時兄出仕在外三十餘年無內顧憂榮之力也弟積學有聲連不得志於有司意常怏怏榮百方慰解援例捐鹽大使

段光士字榮善賦性純篤每讀忠孝節義傳輒忘食寢咸豐二

英山縣志

卷之十一

人物志

孝友

四四

年母逝哀毀骨立既葬遂廬墓焉時粵寇屢犯英人盡逃士獨卧墓傍賊詢故以實對義釋之旋賊又至知士儒生迫至營中充辦文件士不自安至鳳陽潛歸仍廬墓三年卒年七十胡鑑銘字法三邑庠生性孝友曲得父母歡心母病篤刲股以療之立愈親歿率弟鑑瑩讀書瑩成進士皆銘玉成之力胡性彬髫年失怙恪遵母教服勞奉養定省無違兄弟和睦色笑怡怡愛憐孤姪教養如兒長子維玉天資敏捷院試冠軍因病未能終試士林惜之

胡化鱗字夢生歲貢生孝友嗜學不喜浮囂家貧謀甘旨以奉父母父歿授徒族祠講解稍暇歸代母炊不辭勞瘁友愛兩弟

尤篤暮年精神矍鑠手不釋卷燈下猶能作蠅頭小楷卒年八十六

胡蓋英武庠生性豪放聰穎異人讀書過目成誦隨兄入武場縣令吳公拔冠軍敦友愛與兄維芳同居終身無閒撫諸姪如己出

胡文虎武庠生性渾厚質樸與兄文龍極友愛日以古道相砥礪勤儉自持家漸饒裕

馮德光字星照秉性孝友父母病侍奉湯藥無閒晨昏與諸弟友于極篤教子姪以正族黨稱之長子福朝亦與弟福昌福壽福振極友愛父歿合爨數十載毫無閒言昌早逝朝撫孤姪如

英山縣志

卷之十一

十一

人物志

孝友

四五

己出延師課讀俾克成立建修祠宇多所捐資兩代孝友實堪風世

胡秩亭字敦典國學生性孝友弱冠時捻匪據英叔聘三爲所執挺身往替亦被執賴叔錫三百計始免父靜三中年邁疾家事悉委之爲人渾渾噩噩古處是敦其謹愿有馬援風

傅文焰庠生積學未遇築聽濤軒以自娛母蕭早卒事繼母楊孝敬無閒言與弟國學文緯例貢文浦最友愛唱和自樂南陵中書何慎修避難其家嘆曰天倫之樂如傅君者罕見之

傅守洙儒士聰穎善書法隨父遠館浙江父歿甲子亂警不便搬遷洙將父骨負歸梓冒風霜食寒冷星餐露宿者月餘鄉里

無不嘖嘖稱之

傅用申從九品銜同治甲子之亂叔祖母余氏年八十餘合家衝散申不避險阻尋出負歸得以團集

王戟成光緒甲午秋父病百藥罔效成俟家人熟寢遂割股和藥以進父病旋愈

傅用觀性孝友幼失怙偕弟用勵傭工養母母歿哀毀踰禮後家道稍豐共捐田稞四担錢一百千爲先祖濂溪起祭族戚咸稱孝焉

傅用新父患膈疾三載親奉湯藥未嘗遠離又倡議爲叔曾祖舉人以城廩生文錦起祭其親族用貞亦倡修忠孝祠不辭勞

英山縣志

卷之十一

人物志

孝友

四六

瘁承先啟後新與貞爲足多焉

傅守讓居心平恕姪孫維儉家寒不能卒讀每年助穀八担爲膏火資八年無閒

陳兆蘭字袖風學問淵深童試拔茅未售幼失怙依母成人恪盡孝道母歿廬墓三載無須臾離教讀爲業遊其門者多碩士文人卒年八十

杜敦煥字子超性至孝父病五載侍奉無閒篤昆季愛子姪四代同居人口九十餘尙未分爨蓋齊家有道云

王修棣字蔭宜例授儒林郎幼聰穎性友愛弟兄析爨所屬產業器具悉聽分給未嘗較季弟鳳儀嗜書棣恐因析居廢學留

共爨儀翌年以縣首入庠堂弟元芝早逝子樂昶未周一齡棣
撫如己出及長教以禮節憐愛倍篤代理家務十餘年

吳廣森字樹三咸豐六年霍邑李姓逃荒來英鬻妻森撫卹之
居月餘贈以錢米令夫婦偕歸琴瑟如故次年挈家避寇至馬
鞍山季弟廣垚被賊執奮身往替賊刺以矛佯死俱得脫子學
益監生緒鴻附貢生

胡應試例貢生兄應和早卒兩姪俱幼適寇起負侄避亂山莊
撫卹周至愛逾己子嘗曰吾盡情於姪者卽盡情於兄也有被
擄幼兒病道中收養之後數年與以金遣歸故里里人德之

胡金榜伯仲三榜其季也幼孤貧二兄另爨榜獨奉母極盡心

英山縣志

卷之十一

人物志

孝友

四七

力治家勤儉衣食漸豐見二兄窘迫遂收集同居略無岐視家
庭內外無閒言親屬某無嗣家業蕩然榜以己子繼之

董鳳榮字雝和世居廣里江家畝清光緒丙子因火災合家議
遷白石坳時和有母柩停堂子姪再三懇請移居以便供養而
和決意守柩三年不離咫尺

文焱幼好學有文名性至孝嗣母王氏染病同妻禱佛求神
並自割股以進病卽愈鄉人異而傳之

吳良學字習之家初貧菽水承歡不遺餘力謀生外出雖百里
歲時伏臘必歸省以慰門閭之望待胞弟良訓雍雍如也共捐
田稞二十担爲魁顯兩祖祀產

陳定昌字正學太學生性和煦事親至孝無片言觸忤繼母羅老年目瞽昌曲體母心無微不入母喜不以異出視之清咸豐丙辰昌與諸弟析爨互相推讓綽有薛包家風

陳定利字益周太學生性至孝友母因父故哭失明利每晨出夜歸必至母前問安母疾衣不改帶者累日咸豐丙辰兄弟析產無片言爭論

陳定煜字正友八品銜孝友真摯上事三兄一一稟承訓令六十以後雖與兄弟分居自視猶然幼稚不敢專擅母氏羅哭夫失明煜牽衣索笑如孺子狀云

簡昌祺羅田籍性純孝母早歿每撫柩恸泫然流涕奉繼母恪
英山縣志 卷之十一 人物志 孝友 四八
盡孝思母亦愛如己出母邁危疾醫藥罔效祺呼天禱祝割股和藥以進母病立愈秘無知者洎母卒股創始見

陳盛祿天性肫篤父染寒疾久患咯血祿昕夕哭泣割股和藥以進立愈洎母歿伴卧柩側狐嘯鬼嘯初無怖狀葬後迺己堂弟盛懋院試旋里疾幾危祿思割股可以療親亦可療弟立割股和湯以饋之

馮介眉蘄水籍祖父禮彬清典史咸豐初丁洪楊難帶團捍禦接仗陣亡大吏請卹世襲雲騎尉眉以嫡孫承襲幼習詩書長嫻弓馬欲效古人立功絕域奈祖母八旬生母六旬常切日薄西山之慮承歡兩代無片言違忤晨膳夕膳備極豐腴蓋繞膝

三十年如一日也年四十餘賚志以歿鄉論惜之
胡銘字鑑秋保舉巡檢性剛正有才幹讀書不屑屑於章句之
學咸豐閒鄂撫胡公統軍駐英以運糧勞績見賞將大用辭以
母老不忍遠離撫孤姪夢紅教養不倦輕財仗義不苟然諾邑
中公事竭力任之

胡順財字國彩太學生性孝友好施予堂叔奉禮家貧每歲送
穀二十四担以贍之子順來無媳出金代聘之光緒壬午丙申
兩次水災均出穀數十担以濟貧餓至於茶橋寺觀諸凡慈善
光樂爲捐助晚年於借券無力償完者悉回焚之

王潘清職銜胞弟出繼貧且鰥爲之娶室並置田地屋宇無難
英山縣志
卷之十一 人物志 孝友 四九
色初甚窘泊家稍裕父母相繼云亡風木生悲每一念及輒流
涕同治甲子弟被逆擄孤身入危地尋覓數次未獲每椎心泣
血未幾弟歸無恙人謂爲至誠所感

胡遠宗字立山胞孀母宋氏病急時宗曾割股和藥以進孀母
病旋愈

柯益初字雲杞爲人忠厚樂善不倦母病垂危曾割股以痊之
後初八十二無疾而逝

蕭序品字端方性至孝母病割股母歿廬墓四年至放生修路
建橋諸義舉皆廬墓時行之孜孜不倦者後戚余永煥族序諧
贈有傳詳蕭氏家乘

李朝皋字德農原籍蘄春束髮從父盛糖受書至成童十三經皆成誦年甫弱冠下筆千言確有見地尤工書法曾肄業湖北官立中校屢列優等性至孝能幾諫內敬義而外溫和不苟言笑家庭中稱篤行君子焉卒年二十有一合族惜之

方元鎰字聘賢登仕郎性天肫摯胞叔之墉邑庠生析居多年至老貧病不能以筆代耕鎰迎養之甘旨無缺歷數年如一日兄元錦出繼長房家亦貧窘鎰誠諸子曰汝事伯父當如吾之待叔祖也倘因繼立之故而歧視之非吾肖子其孝友如此吳毓秀字之良母蕭氏病飲食湯藥不假他人衣不解帶母歿廬墓三載咸豐六年六霍大荒買胡毛二姓女養之如己出後

英山縣志

卷之十一

人物志

孝友

五十

訪知毛女已許聘卽助嫁資令其團聚胡女無可歸爲之擇配石姓至若捐田入二聖宮起絕祖祭皆爲人稱道弗衰

吳學益字禹臣太學生孝友有父風踈財仗義過之弟歧雲性嗜學出繼仲叔不諳治生產家漸落引與同爨令課子弟讀書捐田稞三十担建立聯芳館以助膏火族建宗祠樂捐基址復捐錢數百兩以竣其功凡修文廟城工及橋梁道路無不盡力輸助縣令陸詳准撫憲獎以勉力急公匾額

蕭序之字廷儀幼失怙恃長明大義伯叔析居後家中落之培植堂弟序典序山讀書均入邑庠序江入成均輕財仗義鄰里稱有隱德焉

蕭如璧字子完增生品行端方兄弟三怡怡一室父性嚴稍不如意璧愉色請罪居家教授爲業門下入庠食餼者指不勝屈子宗价亦至孝母張氏病曾割股以救之得愈人謂爲孝友傳家云

蕭如榛字泰樹增貢生父被匪擄乞以身代義釋之繼母王性頗嚴榛先意承志服勞奉養無稍違忤至捐建支祠清理遺墓私費巨款親屬昆弟窮困屢次分潤皆無吝色至辦光緒壬午災賑全活窮黎無算鄰里德之卒年八十一

蕭序承字引之廩貢生父病凡起居飲食湯藥必躬親十餘年如一日家居教授生徒多入庠食餼者士林至今稱之

英山縣志

卷之十一

人物志

孝友

五一

蕭肇吉字鴻基監生積學未遇幼失恃事繼母孝與異母弟友老而彌篤妻李氏善承夫志事繼姑飲食湯藥必親供奉數十年如一日

王永安性忠厚年十三失怙家貧弟幼勤苦務農暇輒賣柴奉母甘旨爲人傭作食舍肉以遺母後家稍裕先爲弟定姻而已姻反後每衣新則與弟已雖百結宴如也次弟祈球早卒姪僅髫齡撫之逾己子同治甲子粵匪竄英安家深山中爲逃亂者所棲止匪至驚散財物遺失事平安皆完璧歸之

蕭宗塔字鴈題幼失怙兄弟三塔居長事母孝友愛諸弟妻早卒自不求偶爲弟謀娶兄弟和睦老無閒言姪序書割股愈母

疾鄰里咸稱塔孝友之感焉

蕭宗健字象文屢試未遇母劉百歲飲食湯藥必親供奉不假於人兄宗儒早卒撫姪如兒至於清祖墓整祭規解紛排難尤足多云

葉端長羅田籍立父錫紀病革焚香禱神割股和藥以進立愈
段光鑾字金坡性敏悟嗜學工制藝爲父母所鍾愛弱冠應童子試拔前茅父病人勸之應州院試不可父歿哀毀致疾旋卒士林惜之

段熙昭字緝菴庠生外祖胡時圮貧老迎養於家廿餘年無惰容送終之具從豐堂弟燮昭早逝立嗣以成弟婦之節處事公

英山縣志

卷之十一

十一

人物志

孝友

五二

正尤爲族黨所敬服

段森昭字木三事父母孝與從兄弟同居友愛不異同胞里中有孝友傳家之譽至品學兼優尤爲士林所欽仰

段昭寅增生孝友兩盡品學俱優同治三年邑罹兵災挈眷避亂霍山時祖母年九十餘賊近則率弟昭瑛負祖母潛避視他物如脫屣同時避亂者稱道弗置

石崙山字相輔州同銜事後母胡承顏養志不啻生身撫弱弟常德修林教養盡道

聶晚成字器之附貢生父卧病數年成朝夕侍奉衣不解帶湯藥親嘗父卒哀毀踰禮處兄弟務講推讓人無閒言

潘福祥天性渾厚甫二齡父患精神病亡於外祥稍長徧覓父屍不得招魂入墓哀痛迫切母氏匡再醮太邑朱姓年老目瞽祥領歸宗晨夕奉養後卒哀毀異常焉

石流光字玉泉生平光明俊偉事父母先意承志佐父入籍建祠諸大端卓著勞績愛仲弟效川嗜學遂兼理川家政十餘年四弟慶垚負笈受學樂爲經紀合爨數十口措置無不安詳尤能於里社中修橋路惜孤貧至老不倦云

王潤字皞如邑庠生忠厚存心秉性孝友咸豐閒值洪楊之變負母逃遂脫難母病親侍湯藥者累年析居後諸兄家漸落姪又早亡生養死葬咸賴焉

英山縣志

卷之十一

人物志

孝友

五三

方積銘性至孝母游氏病篤無法療治割股以救時無有知者後人見其病愈廉得之乃知爲愚孝也

閔玉麟字端甫武昌庠生秉性剛直善書法寡言詞雖鰥居終身不近女色母鄭氏積勞成疾麟割股雜藥以進更深焚香告天願折身算延母壽母病頓愈不幸麟先母卒士林惜之王常潤字獻廷母病刲股療治隨愈越數年父病又割股和藥以進亦得痊次弟憲章聰穎廷勤耕佐讀現厠士林三弟無室爲之擇配得延宗祀鄉里賢之

徐時發兄弟四序居次購置田產甚多析居時取其荒頓子姪有貧困不能自立酌給田產子壻施某窘迫時助資貿易卒至

家道日興卒年七十八

張永鈔字雲陞行四一切資財多所手造析居後一律與三兄共之其分潤親媼郵鄰里猶末也子三茂潤貢生五品職銜彭本善字開泰少孤事節母王氏至孝順意承志表裏如一外祖母年老無依迎養於家三十六年如一日歿後歸葬王氏祖山喪葬之禮與嫡祖無異卒年七十有九

彭昌灼字茂林兄弟四灼居次兄嫂俱早逝無嗣以次子用金繼其後家貧人衆析爨時偕四弟別遷三弟仍舊居父意願依三弟過度遂將次子應得父產概歸三弟爲奉養之資後四弟家窘灼養於家父歿喪葬俱盡禮人咸稱之

英山縣志

卷之十一

十一

人物志

孝友

五四

胡奉啟字秉元誥封榮祿大夫性孝友精明有膽量父逝事諸叔父如父以幹濟起家同爨七十餘人奉命惟謹一家肅然酷好詩書隆師倍至雖風鶴頻驚不令子姪一日廢讀弟歿遺孤尙幼教養如己子皆成名鄰里有貧苦不能舉火者多周濟之胡奉準字德元性和平事父母能先意承志母患目疾出入扶持寒暑無閒兄弟分析後有歿者姪輩無人撫養準仍與之合爨教之耕讀勞怨弗辭人交譽之

胡海超字斗山太學生年少失怙及長兩兄相繼歿弟姪均幼遂棄學治家事母竭力重道尊師弟遊庠姪食餼悉賴教養並各授以產業性戇直明達鄉里爭端一言立決

方鏗字雪鋒邑庠生性孝友尤嗜學體弱善病父憂之隨從兄幹授課琢玉書齋與父經紀店屋偪近每誦讀不敢高聲恐傷厥考心也兩試南闈膺薦不售賫志以沒惜哉

陳延庚儒士年二十時父病割股和藥以進病愈後父歿廬墓三年族黨稱爲孝子

汪人勝處世謙和事親孝敬戚族有關骨月事必婉勸就緒母病割股和藥母亦旋愈

汪人鉅太學生秉性純摯事親能承順事繼母尤盡誠敬待弟友愛倍至從無諍言怒色

汪作球字紹明太學生事親孝敬母病割股和藥進母愈而球創甚猶強起娛母子姪同就外傅衣食必均卒年八十一

汪人興字啟文事立父母貧能承順父作常歿哀禮兼盡母病割股兩次母歿廬墓病濕堂弟人驥勸止人謂作常夫婦無出竟有佳兒矣

汪作霖性肫質篤孝友父病割股和藥母病亦如之父母俱享大年人謂孝行所感云

王忠澍字雨人儒士工書法幼失怙事母至孝怡色柔聲始終不懈母歿哀毀骨立每逢生忌期必涕泣致祭堂兄二弟一俱貧無子承母遺命以次子兼桃三房兄弟歿喪葬俱盡禮隨胡林翼勦辦軍務以勞績保舉湖北武昌縣丞澍謂非讀書素志

辭不就任授業於六霍等縣遊其門者多俊秀

王忠弼字右臣職銜父熙性年登百歲山則扶持入則鯉對每食必先嘗其味合老人性否再拱手進之父病溺於牀弼以手捧如此者數月衣不解帶食不甘味父歿哀毀骨立慟不欲生長兄析居多年抱喪明痛貧且老生養死葬均弼經營現子孫昌熾人以爲厚德之報云

王孝棻字穉如廩貢生工文章尤善書法受業於懷兄孝尊盡弟子職兄病侍疾數月寢食俱廢兄歿隨姪寢靈側哀慟畢至喪禮葬禮曲盡其全督姪課維嚴督季弟作家益謹均賴成就堂兄孝恩居霍老且病迎養於家廿餘年事之如親手足病時語弟姪曰恩兄父之姪祖之孫汝等事恩兄如事我則我死亦瞑目矣孝友之情溢於言表

程仁春字開甲九品銜孝順父母作家勤儉兩兄無嗣以己子繼其後生養死葬克全弟道里族莫不稱之

王懿性字丹存附貢生獎授五品銜性孝友事親曲意承順母病篤割股立愈昆季四懿居三兩兄一弟相繼逝教養諸侄如己子俾皆成立捐祭產營宗廟修宗譜贖祖山培祖墓根本無不克庇他如矜恤孤寡保全名節抑強扶弱勞怨不避實能人之所難能至詩古文辭楹聯序傳思力深厚猶其緒餘

程惇遠字文政監生事親至孝長兄季弟早各爨後均貧老無

嗣遠迎養於家以二子一兼桃兄一承繼弟兄弟歿喪葬盡禮卒年七十六歲至今三房蔚起焉

王愷性字升之庠生性爽邁亦和藹兄弟六愷居幼治家讀書悉遵兄訓授業多所成就晚年尤精地學卒年七十八

王立性字卓亭性純謹至孝昆季四同治甲子賊擾英諸兄被擄立隻身背病父迂道潛歷險阻至太邑之西山得免旋父病篤適兄懿性脫圍尋至得同送終囑懿兄守父喪自願旋英經營喪費百里之遙兩晝夜間往返者四次返時負帶衣衾布疋中途遇賊哀告至情請視負件賊感而釋之衣冠始克完備至於骨月間通融貲財概不計償族黨稱之

英山縣志

卷之十一

人物志

孝友

五七

王唯修字貫三例貢生進士葆修佑修弟豫修之兄也昆季四人終身友愛無間言葆佑豫以父學顯唯則主持家計克勤克儉資產漸裕至解紛排難里黨尤賴之

王念祖字鄂生例貢生議敍知縣天性純孝侍祖父母於鄂省官署又待父母於浙省官署克盡子職並專精學業善詩文州縣試屢拔前矛賚志而歿士林惜之

段大昕字自清農民也性至孝母病割股和藥救之生平不肯下人而於父母之鞭撻指責則俯首敬受不敢稍有怨色尤好文學凡讀書人喜近之談書理喜聽之亦足見古道之存云
鄭宗榮字戟門附貢生性純孝年十二割股救父父病愈年十

四又割股救母病亦愈槩少負才名學有根柢文章不落恆蹊著有齋寄堂文集光緒時槩與宗倌捐本超祖置文昌會田稞二十一担三斗花稞十斤補助闔邑生童試卷費士林德之鄭宗霖字雨夫國學生善事親親老久病侍奉湯藥必親嘗之親歿喪葬以禮至義方訓子處世廉明猶其餘事

鄭宗琳太學生性篤孝善事親好讀書隆師友其子小谷震谷皆名噪一時

段大典字孟和增廣生幼失恃父病勞瘵廿餘年侍湯藥無稍怠兄弟四和居長遵父命督率成家友愛彌篤二弟三弟早逝遺子俱幼雖經析爨撫養教誨實逾己出生平守分循理非關

英山縣志

卷之十一

人物志

孝友

五八

學校風化事無隻字入公門

段大美字象賢不識詩書深明大義兄弟三美居幼出繼外房光緒十五年仲兄往山東卒於濟母因悲成病臨終囑語呼仲美跪泣母前許歸兄骨母目始瞑喪葬畢行乞至濟尋兄塚發之取兄骨置破箱中肩挑二千餘里往返三月餘殮葬於先人之兆俾正首丘遠近聞之無不太息流涕

段光娘字新民性孝友母年九十有六親奉甘旨朝夕無間兄歿後視姪如子好讀書尤工書法族中寒士多助膏火疏財仗義善行頗多卒年七十有三

黃繼明邑庠生幼明敏最孝事繼母徐先意承志母病飲食湯

藥必親奉不假手他人至管祭修祠培祖墓諸要務皆孝心所推暨者也士林艷稱之

金煥遠字父珊增廣生同治甲子之變負母潛逃者累月孤姪庠生鴻璧恩貢生鴻銘撫而教之得成學業堂兄耀遠殉難雲南倡請建立忠孝節義專祠至壬午水災奉皖撫專札督辦賑務災民賴以生活焉

金馴遠太學生性至孝咸豐年間粵匪竄英舉室遠逃祖母氏杜年九十病篤不行馴朝夕不離寇至竊負而逃初無倦色同治甲子之亂事父母亦如之至其剛方果毅尤爲梓里所欽仰金炳燿邑庠生性友愛與胞弟鴻標鴻漸鴻森一堂雍睦雖人英山縣志

卷之十一

人物志 孝友

五九

口繁重終身不忍析箸事親孝父母卒燿兄弟等養生送死均無愧云

金鴻璧字蒼甫庠生性至孝甫齟齡割股救父病愈不期年父卒哀毀如成人事母亦如之尤嗜學從伯父文珊遊以大器期許之卒厄於遇僅以青衿終士林爲之惋惜

金鴻翥字汝書太學生貽封奉政大夫性純篤母早逝事父綿遠以孝聞父年五十患氣痛疾艱於步履寢席難安晝則扶持出入夜則布卧榻於床側親視湯藥衣不解帶者二十餘年無倦色與諸兄弟友愛均出至誠兩事繼母無間言云

金綿遠字振軒誥封榮祿大夫性至孝敬祖重宗與減繼絕同

治十一年爲高祖晉爵公建立專祠凡公支下旁親無祀墳墓捐資建碑堂弟照遠無嗣以嫡堂弟姪鴻翠繼之並飲助娶妻成家焉

金鴻翎字汝儀清授榮祿大夫性純孝母氏胡早逝父綿遠年五十餘病篤刲股和藥常自勵爲人子不可不知醫遂寢饋於修園景岳諸書者十數年爲父療疾卒享大年京兆內外尤壽人無算並刊有應驗靈方傳世任湖北時凡親在所嗜之物概不忍食臨終之前一日猶丁寧僕婢敬進羹於繼母氏周也

劉天恒蘄水人清光緒二十五年父金蘭年九十一病篤恒焚香告天割肝和藥以愈後月餘卒二十六年經地紳取鄰族甘

英山縣志

卷之十一

人物志

孝友

六十

結稟縣縣令陸獎給孝行可嘉匾額申請層峰會同咨部二十年部文到縣奉旨准其旌表建坊載入省府縣志以彰孝行

恒一念愚誠始終不懈於卜安窀穸後廬墓七載風雨無間死而後已卒年七十七

金昕遠字雨吉太學生昆季三昕居次敬愛兼盡兄歿尤加意矜卹孀嫂鄭氏至遇人急難隨力調濟里有假貸無力償還者輒塗其據毫無吝惜且終身與人無所爭鄉里稱之

趙本棠字紫芝羅田人性孝友明大義母氏周年老多病侍奉湯藥歷數十年如一日胞弟本慰卒撫孤姪甫清如己出遠擇師傳不遺餘力

金懷遠字載熙太學生性純摯父宗疆病累年衣不解帶時遭喪亂近市食無甘旨往往行二十餘里以求之嘗夜行山中有物大如牛見而避之羣以爲孝心之感及卒哀毀骨立母病旦夕奉甘旨一日思得肉食懷入市未返母卒痛哭累日遂終身不忍食肉

金勳遠太學生敬宗敦本同治十一年同堂兄綿遠建立安侯公專祠光緒元年爲生母程氏請旌建坊家道清貧不遺餘力子二次子從九銜鴻清九齡時被匪擄光緒丁亥由南陽府携眷全歸聚首一室時勳夫婦健在孫曾繞膝羣以爲孝思之報金鴻欽字奉典儒士性剛直少孤事母温清無懈友于兄弟無英山縣志

卷之十一 人物志 孝友 六一

間言析箸時房屋田產一隨兄弟之便絕不計較多寡子燃乙師範畢業生

陳春山太學生性至孝光緒癸巳父病篤刲股調藥以救親親仁愛出於自然丙申水患修築城垣頗輸鉅款至散米濟荒捐錢育嬰慈善之舉見無不爲也

金宗元字慰山三歲過繼光郁爲嗣性至孝事父母左右就養不遺餘力父卒僅一週母氏吳病篤割股以進越三年母卒於元割股期日鄉人以爲三年之壽實元孝思之感云

徐宗樂儒士附生霖之孫年二十八時父光元病篤樂將胸洞穿割肝半頁烹進病愈樂卒年三十六兄宗昌至今道及猶泫

然涕下焉

楊一翥字進賢咸豐八年粵匪竄英母陳氏時年七十一寢疾在床翥侍湯藥囑諸弟姪率眷潛避甘以己身易母命從容就義鄉里奇之

吳道彬字雅堂增貢生性至孝父患病年餘侍奉湯藥未嘗一日離其待諸季也無子者嗣之有子者教之尤嗜學至老不懈臨卒時猶作詩數章云

吳立政字俊三國學生髮逆竄英有戕害母墳者理論輒直與胞兄立本分爨甘得瘠薄傳詳家乘

徐元明字遠瞻太學生父允僖中風痺數載起居湯藥事必躬親胞弟增生元勳胞姪附貢生光化皆潛心實學悉明延師玉成之也

英山縣志

卷之十一

十一

人物志

孝友

六二

余思修字壹本庠生事親孝疾侍湯藥未嘗廢離居喪哀毀杖而後起兩弟早卒諸姪幼孤教養成立傾貲爲之畢婚無異己子族黨稱之

余思洛字泮香八歲失怙恃伯仲五洛居三兩兄兩弟一室怡怡撫姪如子至捐橋梁施義塚周貧濟急見無不爲光緒丙申督修宗譜時力疾經理譜竣而卒

江繼訓力耕養親母李氏膺癱瘓疾食息動止在在需人訓侍湯藥任猥瑣詳慎周至歷九年如一日

余思捷字登榜生平孝親睦族長兄早卒事仲兄如父析居時不較資財家庭嚴肅鄉居教授常舉孝弟謹信數語訓子弟以正其趨向云

余思檢字仁軒庠生立行修學事父及繼母以孝聞築四顧齋讀書其中以敦睦家族爲己任雖屏跡城市而邑中義舉無不極力贊成焉

張辛佐庠生課讀爲業事親純孝母病侍湯藥衣不解帶嘗夜半焚香籲天號泣請以身代母病旋愈後嗣皆以耕讀世其家江衍富孝友肫摯每遇險難不諉昆季獨任艱辛兵亂之餘家貧如洗苦心奉母百計承歡至今子孫寢盛焉

英山縣志

卷之十一

人物志

孝友

六三

江正朝性質寬和品行修飭友愛昆季勸善規過怡怡如也父耀南貿易夾舖清光緒壬午蛟水沒街朝與弟正邦中柱同侍父疾冒死不去溺於水者竟日卒皆無恙人以爲孝心之報族弟正益職員亦捐資置祭田以祀先祖孝友實萃於一門焉徐廷達號殿臣庠生母饒氏中年患勞嗽繼得腫症起坐需人達問卜延醫湯藥親奉歷數寒暑無稍懈治家訓子均極嚴肅彭本暄字旭和庠生屢膺房薦性孝友母病與弟本愨本窠朝夕侍側衣不解帶溫清定省十餘年如一日母歿哀毀骨立兄弟友愛白首如初

彭本琳字景邵性仁厚鄰里有急難事必設法周濟咸豐間髮

逆亂母患精神病背母潛逃鄰縣母故得免於亂十餘年坐卧不離湯藥必親不假手奴婢兄本樹好讀書性廉介財利淡如早卒琳撫孤姪如己子分析田產推肥取瘠閭里高其義焉彭本錢上庠生字仿初天性過人母病刲股療治母歿哀毀過度喪葬如禮

金光策字曉鰲附貢生三歲失怙事母以孝誼篤友于與兄光節分居六載遵母命給兄田稞四十担無吝色焉

金序班字院修甲子粵匪之亂避至太邑時母年八十八往返皆背負後夫婦齊眉孫曾羅列人以爲孝感卒年八十三

陳善蘄水籍性友愛撫從孤姪如己子居家嚴正處鄰里亦然

英山縣志

卷之十一

人物志

孝友

六四

有紛爭者力爲排解有貧困者量予周恤並施棺木掩埋無主屍骸人多頌之

安雅字小香國學生天資高亮能詩工書嗣母余青年勵節事之曲盡孝道以婦能事親旣率婦以孝以孫能娛親又率孫以孝一家怡怡太和翔洽余顧而樂之子道璞力學能文未遇卒王嘉會性情正直仗義疏財兄弟析居不計資財多寡爲姪婚娶費頗鉅毫不吝惜尙有孝友遺風

黃以來字文藻性至孝母病刲股兩次病得痊族黨中有不睦者輒以大義曉之有急難者救濟不少緩

唐創修修職郎性至孝母病割股和藥以進得愈

吳型旺國學生性至孝母病刲股和藥以進卒年七十
鄭輝號仰之邑庠生家素貧弟三人析箸後諸娣相繼歿喪葬
之費皆身任之越十四年家稍裕復命諸弟合爨資財不分畛
域鄉里翕然稱之

姜繼珍天性敦篤家貧傭工度日兄五人析箸後相繼歿喪葬
之費皆珍所出里人賢之

劉立誼耕鑿爲業性孝友母病刲股以救獲愈數年復發更甚
於初焚香祝天刲肝和藥以進母復獲痊惜誼不獲永年也

余承意天性肫摯視伯叔猶父刲股愈胞叔永恆疾嘗精幼科
醫術治病不較謝金慈幼之心蓋導源於敬老也天不永年曷

英山縣志

卷之十一

人物志

孝友

六五

勝惋惜

余承祺素有孝行曾割股愈祖母疾孝本於愚實堪訓俗

段光奇字彩雲爲人純篤孝友性成母病嘗焚香默禱刲股以
救獲痊其精誠所感歟

葉琫瑤字維楨布政司經歷銜事父母先意承志與胞弟方義
慶熙慶恩深相友愛至老弗衰至於手創祠宇以妥先靈廣提
祭產以綿血食皆爲鄉里不數數覲卒年八十

葉玉字藻軒邑庠生潛心學問立品端方孝友治家教耕課讀
至修宗譜建祠宇以及排難解紛嘖嘖人口親歿時三妹一弟
俱幼撫養嫁娶竭盡心力兄弟三年俱六十餘怡怡一室

葉振鵬字雲衢例貢生生平正直孝友性成兄歿以其子承嗣代孀嫂理家政分毫無私又急公好義邑有善舉無不樂輸葉介梅邑庠生性至孝父歿哀毀遇制母病割股和羹以救得愈篤信好學善誘後進有貧不能讀者助其膏火工詩著有偷閒吟草待梓

葉振華字采春至情敦篤門內雍和撫孤姪五人愛如己出子孫蕃衍咸以爲孝友所致云

葉方銓積學未售咸豐初髮捻猖獗奉母避深山中母失明服事惟謹未嘗一刻離偶外出雖暮必歸人問故曰家住茆屋設失火誰負母耶母卒不復試詩酒自娛以天年終

英山縣志

卷之十一

人物志

孝友

六六

葉方成字大裕博通古今不求聞達尤篤倫常提所居建立支祠且以腴田五十餘担作祀產嘗自撰記入家乘宗族賢之葉方兆字馥香性情真摯和厚居心幼失怙奉母至孝母歿哀毀逾常於昆季尤敦友于鄉里樂道之

葉振裕同知銜傳家忠厚處世和平事父母盡物盡志待兄弟潤寡分多鄉里稱之

胡允曙字曉峯幼穎悟父逝事母孝有萊子風家寒以筆代耕終歲修金歸以遺母析居時產業讓兄若弟無慳吝心精制藝應童子試屢冠軍里中譽噪黌宮者多出其門下

鄧勝臻字秦珍監生天性孝友恪遵家訓經管祖祭督修宗譜

修理墳墓自任其勞睦鄰和族人無間言

王敬銘國學生治家有法年十一失怙事節母盡物盡志母老且病湯藥必親母歿哀毀骨立喪葬如禮族中孤獨尤力爲撫卹至增置祀產敬宗尊祖族黨罔不推服焉子兩彬廩生廷賢庠生

段一馨字桂山優庠生經明行修士林宗仰待諸弟教養兼盡友愛彌深處事平恕而守己誠篤足跡不履城市年七十七猶鍵戶讀書誦聲琅琅考据古典手自成帙惜散失不傳

段必昭字廉能秉性誠樸處己接人尤多謙讓在倫理中以至性相感鄰里鄉黨僉無間言母病刲股和藥以進得愈里人猶

英山縣志

卷之十一

人物志

孝友

六七

稱道弗衰

段癸森字仲和庠生雞窗砥志鶚薦屢膺父病割股調羹以進父歿哀毀盡禮天不假年惜哉

沈自祺字壽眉太學生善事父母温温色養侍疾未嘗解帶親歿兄弟分而復夥經營生計增產數倍仲弟早逝撫孤姪如己子培植根本不遺餘力祠產祠屋迭爲建置族人曾刊之家乘中子周翰附貢生

沈自煥字煇亭克承家學言動不苟立父德禮號焱生屢拔前茅不售悒悒成疾煥侍湯藥衣帶不解刲股進之

程仁延同治間負父避亂爲賊所得泣拜乞代賊義之釋其父

執延去數日脫歸不見父號哭求之得屍以葬兄早卒撫孤姪如己子析產時盡摧肥美者歸諸姪

彭厚傳性純篤言動不苟善事父母温温色養母病割股二次無不立愈母享壽八旬餘此至誠所感也

彭本恒字維常太學生幼失怙母教最嚴無事不曲體母心事有激烈時得母一言轉怒爲喜母患氣疾每於卧後進茶一二次母患乳岩親侍湯藥無間晨夕兄敬典患隱癰瘡口幾寸許侍藥難其人恒獨任之越數月無難色卒時戒家人分公產毋計優劣須將授田提若干變償逋負其廉介如此人咸欽頌之張建中字丙南少孤事孀母盡子職兄弟三伯仲均早故撫姪英山縣志

卷之十一

人物志

孝友

六八

成立生平性謹慎重然諾處世謙和鄉黨欽之

傅文中性至孝甲子歲髮賊竄英中負母逃難旋遇賊被執中哀告曰毋傷母我命聽焉賊感其孝兩釋之

傅弼賡庠生性孝友於父母必承順之旨甘無論也於兄弟則親愛之禋祀必承也味道甚深享年不久士林惜之

傅守欽國學生性孝友家道中落竭力耕田甘旨得以能豐喪葬得以盡禮析居後倒其私篋無一物焉

傅守鏡登仕郎幼靈敏得祖母歡携同寢冬則以身温足夏則以扇驅蚊祖母沒事父母亦如之暗合禮經殆天授也

傅守諺性至孝父病割股以救病得愈飲食雖菜羹必潔出入

卽跬步必扶數十年如一日也

傅用梅庠生性孝友父病刲股以愈母病亦如之長兄因痰疾誤落水則從井以救次兄患痢疾事之彌月廢寢食後以居喪哀毀至疾鄰里悲之

傅用鼎性孝友總角時刲股以愈母病後從父讀於羅邑每三日必一歸省雖崇山峻嶺不畏焉

董承業涇縣人父永珪好施予率先意承志不待父言父樂甚長兄無子以三子繼且迎養焉

李士荃號少枝國學生性天最篤爲父母諸兄所鍾愛荃事之惟謹胞兄士琳謂性情渾厚中却有涇渭洵不虛也惜年不永

英山縣志

卷之十一

十一

人物志

孝友

六九

琳尙傷之子盛鼎工部員外郎

安薰廩貢生幼端恪自立痛父早卒事母孝事寡嫂有禮命長子學裕爲兄後督令孝事嗣母友愛季弟羣從二十餘人和協無間言博覽書史爲文磊砢自奇工書法片楮寸牋皆爲墨寶余時彰字竹篴髫年孤露克自樹立勤於治生摒擋家政之餘仍好學不倦幼習家訓獨具至性嫡母與生母以無父兒愛之甚時彰能委順以得其歡兄弟愛敬互相師友士林播爲美談熊一新庠生宗祠毀於兵首捐錢五十串倡修之又捐祭坪並錢十六串鳩工庇材逾年告竣憫譜牒未修囑子俊卿鳩資董治奈譜未成而新遽逝士論惜之

汪際璋登仕郎父性嚴家人觸怒璋一二溫語卽霽顏兄弟怡怡有天倫樂宗祠未建爲祭內起錢會後得落成又督同胞各出錢穀營放爲父建置祀田今接壤龍鱗丕基式廓皆其力也李學泌字兆鑾博通經史教授鄉閭循循善誘逾四十年弟早卒姪國清遺腹子也泌爲乳哺以養以教俾至成人至鄉里競爭尤熱心排解

汪作鏜字賦聲幼孤力學善囑文甫成童每讀孝經及勸孝諸訓輒歔歔泣下事母以孝聞友愛兄弟關切過於其私伯父年衰無嗣左右服侍體貼肫摯一如事父伯父愛之亦與子無殊卒年四十九

英山縣志

卷之十一

人物志

孝友

七十

汪憲字景黃庠生年十一痛父早卒事母愈謹母氏鄭性嚴以孤幼非讀書無以自立憲承母訓鏤肝刻骨罔閒寒暑博學能詩秉性肫篤事諸伯叔皆得其歡

汪人濬字文波儒士墮地失恃年十二父出未歸會大雨濬攜一傘一屐趨候於途山溪驟漲漂蕩里許遇救得免猶手傘屐如故父病夜稟先祖刲股以進痛母以產難亡每忌日撫膺自咎不自知涕之何從也事繼母亦色養無違惜不永年

段光照字臨川太學生性孝友承嚴命治家造屋斂費苦心季弟恩貢生聯凡讀書應試所需皆先事籌備體貼入微且自少至老常怡怡然尤熱心義舉道光九年督建銅鑼巖觀音寺正

殿至今廟貌巍峩

胡順國字晴嵐廩生性孝友敦品行積學能文教子弟循循善誘跬步有法出其門者多名噪一時咸豐間粵匪竄英號召鄉勇收復邑城州憲茅上其功經撫憲福賞給八品頂戴

胡可楨太學生性至孝年十四失怙主持家政管理公務恪遵慈訓出入無絲毫苟羣季俱幼培植成立弟卒視孤姪如己子人咸仰其家範焉

胡士雲字化卿太學生性孝友敦樸無間言義方遺子善氣迎人非分之事概不干涉

徐廷榮字藝林監生積學能文父早卒事母孝問安視膳必得英山縣志

卷之十一 人物志 孝友 七一

其歡心友愛季弟晉蜚聲庠序咸豐間粵匪之亂勦辦團練地方賴之

鄧少卿廩貢生字臣鵠善書法性至孝母氏鄭抱病三年未離床褥飲食湯藥必親進之母卒哀毀如禮

鄧勝宗字燮卿庠生母年六十餘病染寒勞不時喘氣年冬愈甚宗侍湯藥不假他人手年餘無稍疏忽母卒哀痛過甚幾不欲生越數年與諸兄析爨所有田房俱照人數攤派不拘股分現子孫林立繼起書香

鄧兆熊庠生事母孝問安視膳不間晨昏母病不食熊與俱飢不飲熊與俱渴湯藥必自檢點未肯假人母卒熊痛氣絕數時

復甦現子孫昌熾

鄧兆春太學生性至孝母老昏瞶起居必親扶持飲食須賴反哺數年間初無疏忽母卒兄弟析爨不較財產聽兄與弟分割不贊一言鄰里咸欽羨焉

葉振芬庠生超之孫方勉子也芬幼孤與同母弟振蓮敦孝友母鄭氏年八十餘病痿痺親負出入脩奉甘旨及歿哀毀骨立兄振綱前母余出過繼胞伯方進早逝前已析居收撫兩孤姪如己出焉

金權遠字席安性至孝父病篤刲股和藥以進旋愈閱八年八十四歲卒人以爲孝思所感

英山縣志

卷之十一

十一

人物志

孝友

七二

蕭如瑒字聘玉庠生惟方正笑言不苟舉止端莊自幼至老無隻字入公門惟族鄰競爭一言立解幼失怙奉母訓惟謹且性篤友于與兄監生如玳皓首同居一家雍睦古道可風

胡時鈿字春山性誠確母病刲股旋父病又刲股均獲痊聞者賢之

汪作鑿字夔笙庠生幼穎悟卅角能詩幼承庭訓學有淵源出嗣伯父際瑞委曲承顏十餘年孺慕不懈友愛同胞無微不入見義勇爲去不善如避螫著有補過軒繕性藥言一卷教婦瑣言一冊集曲牌名色戒詩六十首卅花龕詩稿六卷

傅文焜字炳階邑庠生少悲失恃長嘆靡依朝夕懷思哀毀骨

立見者寒心

傅文冕字冠南邑庠生爲人剛直尤篤友于撫孤姪如己子鄉里有不平事則急爲雪冤生平仗義秉公往往如此

安桂山邑庠生事父母孝教子姪嚴品行端方足跡不入城市訓迪生徒務窮經史尤諄諄於名教綱常故遠近爭負笈焉賈志早歿士林惜之

王際濱字渭臣例貢生事親至孝有堂叔二堂兄一因粵匪亂無家可歸承父志覓歸奉養如胞叔胞兄歿時喪葬盡禮俱無後以己子嗣之

黃煥緒性至孝父病十餘年常在床褥雖家寒勉奉旨甘湯藥

英山縣志

卷之十一

十一

人物志

孝友

七三

無敢違兄煥緒焱緒暮年衣食俱虧煥與之同寢處以終身焉彭本懷字佑中庠生幼聰穎過目成誦事父母孝處族黨義與異母兄本悟極友愛分居後所得館俸分用必先兄後己尤能明察事理族黨爭端一言立剖人猶頌之

蕭燕序庠生幼失恃父病十餘載日夜侍奉仲父無嗣季父分居其子亦故家素貧煢煢子立惟一孀媳燕迎養於家事奉兩叔父如生父惜年不永族黨傷之

黃遠瑜字瑾亭喜讀書性誠慤祖母胡氏病割股療愈

胡順律字薰亭邑庠生天性純篤孝友無間言好讀書敦品行精醫活人無算不漁利貧病者尤賴焉咸豐間鄂撫胡統軍至

英辦餉出力獎加六品銜

王成桂字邴林性孝友兄弟五桂居長析箸時房屋財產聽諸弟擇得後不計多寡腴瘠欣然受之且品行方正有某氏苦節遺子一奪嫁者以金賄書婚弗受並嚴斥其非導以節烈不可犯事遂寢氏母子得以團聚平生學求根柢書法精善足不履城市教授生徒多所成就優貢金馥遠知縣金馥遠皆出其門下型方訓俗邴林實無愧云

熊從發世業農身長八尺膂力過人父焱林年九十發事之謹冬夜就父榻卧老人血虛足冷如冰苦不能熱發捧父雙趺俛兩頰旁而口中呵之以煖歲以爲常時發年已六十矣記曰八英山縣志

卷之十一

人物志

孝友

七四

十非人不煖九十雖得人亦不煖矣如發者經可勿泥也平時承順顏色能得親歡亦皆稱是

金三同義里孝子也嗣父卒母氏鄭得癱瘓疾足不能步手不能持匕箸起居飲食一切須人孝子力任之凡湯藥澣櫛廁踰諸瑣瑣悉無人旁貸無間寒暑左右不離居常不敢他出有事必先雇妥人伺候母側然後行暮必返從不一宿於外恐母之侍奉有缺也母壽八十乃終病十一年矣孝子事之未嘗一日懈孝子死距今三十餘載人猶稱道不置

方朔字均安儒士工書法幼失怙恃惟兄嫂是依家素小康兄性喜揮霍遂中落兄歿朔以筆代耕事嫂一一如禮鄉里賢之

胡可靜字濬川敦篤古樸昆季六皓首時問饑寒足不履城市鄉里善舉慷慨樂施閭里德之

胡可柱國學生爲人和藹善氣迎人敦孝友尙廉節治家勤儉教子有方子五允禮

嚴安吉鄉耆秉性忠厚處世和平事生嗣父母均能盡孝云石炳星字熙臣附貢生厚重嗜學出嗣伯父念嗣父早逝不得承一日歡每遇生忌期展祭之餘哀慕倍切事本生父母承順顏色孝養無違兄弟友愛視姪如子飲食教誨殷殷木倦子煥珠庠生

劉敦森字泮林太湖太學生孝友一門內外無閒言析產時推

英山縣志

卷之十一

十一

人物志

孝友

七五

田相讓有薛包風嘗與堂兄敦明倡捐祀田六十餘担性明通善排解家族社會中咸多之

段明昭字正儀太學生久侍母疾孝無閒言

胡勝增字海籌太學生傳家孝友處世謙恭事親以孝教子以嚴年逾七十猶抱醫經以濟世

胡鶴書字夢皋庠生少穎悟州試冠軍生平孝友好善樂施凡里中窮困者多周濟之

鄭宗鈺字相其附貢生性誠篤教子孫以孝弟爲先立家規皆井井有條一堂睦雍內外無閒言

金宗諧字子和太學生議叙八品性和藹事親先意承志兄弟

析箸廉讓稱江與樂平府上留田相逕庭焉

金鴻仁監生性祇順與胞弟庠生鴻儀附貢生候選州同鴻儒從九鴻庥候選縣丞鴻喆敬事父母體貼入微兄弟敦睦鄉黨無間言

金鴻翹字汝豐太學生貶封奉政大夫秉性和平處世謙退事父母以孝稱培後昆慰親志捐重資俾安窀穸卒年五十三胡維煥例貢生字文齋性嗜書學問純正爲文意致深厚童試冠軍不售品行端方治家雍睦孝友可風尤樂獎勸子姪資助膏火成就者多子從化從治謹飭有父風

金銳字果亭邑庠生性孝友品行剛方生平課授謹嚴不肯虛

英山縣志

卷之十一

人物志

孝友

七六

糜館穀處事能持大體每於稠人廣坐中談論侃侃人多敬憚之兄弟三人白首同爨其友愛尤可風云

金衢遠保舉五品銜性純孝婉愉承志無閒晨昏處骨月極友愛析箸後仍不私己產

徐周德登仕郎性梗概好施與督修環祖宗祠捐資克己同堂四世共爨者近六十人毫無閒言族戚賢之

余思範字景賢廩生守正不阿篤於孝友治家有禮法一門之內和氣藹然至於經史之學尤無不淹貫

金宗林字仙庚太學生家素豐有租課七千餘担兄弟三兄多公務弟專儒業林一人經理財產二十餘年毫無私積

何盛循字銘三分發湖北候補巡檢歷辦隨州武穴神林口仙桃鎮各處差事性孝友兄子歷年貿易虧折不資循代償其逋負約數百金其友愛類如此

汪作鈿庠生父思啟酷愛詩書命鈿入塾從師鈿幼卽知體親意篝燈夜讀旦夕弗休成人後益下帷勤誦旋入泮痛親衰老左右就養體貼入微月夕霜晨儼然孺慕胞叔同爨事之如父倍致敬恭閭里咸稱道不置云

汪作鏡字蓉生庠生幼承庭訓奮志詩書鯉對之餘尤極循謹年過四十隅坐隨行依然總角至於皋城風雨白下烟雲兄弟聯鑣互相砥礪猶有春草池塘之樂焉

英山縣志

卷之十一

人物志

孝友

七七

方楨字皎如庠生孝事父母兼篤友于髫年刻苦攻書父母憐其體弱聞夜讀呵責之楨自是竟夕沈吟不敢高聲殆可謂先意承志矣至其偕諸昆弟同赴試舉必先代治場具而後及私尋常徐行後長無論已本屆修志楨職任採訪凡有關於風化者搜括靡遺惜未親見梓行遽以疾卒

蕭宗昉字子繩儒士性純篤不事雕琢咸豐閒嗣母金氏病亟匪猝至僕役驚散昉不忍離獨坐母傍匪詢之以母病對匪憐而釋之與弟宗發甚友愛終身不析箸弟無子以次子斯承嗣鎮日喜靜坐端莊凝重如對嚴師生平除應試外足不履城市且精醫理踵門求治者頗多卒年五十一長子循序從九職銜

胡親字煒材候補縣丞事父母以色養與弟鑑璜友愛無間性
倜儻仗義疏財曾舉孝廉方正里中糾葛一言解決年四十四
卒子三長煦英省巡警學堂畢業次三俱業儒

葉振衣字萊庭歲貢生性最孝友父病篤刲股嘗糞能人之所
難能母年八十餘孝養匪懈弟歿撫孤姪如己出教之成立平
生尤急公好義督修祠宇一錢一物不入私囊奉諭辦公事期
其成雖費鉅款無吝色

段大獻字斐然太學生家素封與兄析居多所推讓性慷慨嘗
捐祀田以敬祖遇戚中有困難者多代爲假貸至不能償獻變
產償之雖家中落而處之泰然居恆坦白待人胸無城府鄉里

英山縣志

卷之十一

人物志

孝友

七八

咸以長者稱之卒年八十

郭承周監生性友愛初家貧貿易所得置田園修屋宇兄弟三
子姪四周無子立兄子爲嗣續分居家資議三股平分周曰我
之財卽兄弟之財兄弟子卽我之子祇可作渠之四不可作我
兄弟之三遂四分之卒年七十一

江希焱號堯階羅田人秉性謙恭和靄之氣溢於眉宇故事父
母能得歡心待兄弟終無閒言堂兄希潤孑然一身窮困無所
歸焱迎養焉曲盡友愛以己子嗣之

段文光字映辰副舉人詩書奮志窮且益堅孝事二人老而彌
篤里黨今尙稱之

蕭宗瑜性孝友樂推解能明大義督修支祠無絲毫侵蝕至解紛排難戚族無不帖然服之

胡霖雨歲貢生品學兼優事親至孝父歿守墓三年兄順馨病亟剖股救之兄卒撫孤姪如己子與弟照青友愛誠篤婉容如朋友族黨稱之

沈馴德光緒紀元孝廉方正事實詳彙案子自岳例貢生著有半弓園詩鈔待梓

蕭宗發字旭東監生保舉六品銜丁洪楊之亂祖母及父母在堂轉徙流離侍奉惟謹事平俾兄讀家政一身任之平生性肫摯訓子姪極嚴每自恨未拾青紫故喜獎勵後進尤尊崇師傅

英山縣志

卷之十一

人物志

孝友

七九

樂聽談忠孝事至排解紛難持論公允族黨今尙欽頌之

吳紹鴻字幼巖附貢生學業精純光緒辛卯南闈堂備額滿見遺性孝友孤姪熾昌生僅二月失怙恃撫養成立課讀等諸己子卒年六十六子四嶺梅中學畢業

義行

明王文聰字子章段庭竹字伯堅明初紅巾賊犯英山文聰庭竹募鄉兵戰于陶家坊賊潰追至黃岡獲渠魁四十八人解赴京師洪武二年授以官職辭不受太祖親給衣帽緞帛賜楚祿二百二十石勅命優獎並許干已事情得親自面陳

余子旺景泰六年英大饑捐穀一千担助賑勅賜冠帶榮身傅月敦景泰六年捐穀六百担助賑有司以聞詔賜義官徐滄海捐穀三千担助賑奉勅建坊旌表

傅武蹟月敦子居羅家田沿河田六百畝通族所倚每患水漲爲捐資築隄濶五文長八里鄉人義之名曰傅家壩萬曆四十

英山縣志

卷之十一

人物志

義行

八十

八年蛟水潰隄遂廢

姜宣鄭顯忠等萬曆九年饑共捐穀四千担助賑余文福余文義等皆鄉民值流寇之亂捐資立朝陽砦保障一方居民賴之江永壽明末流寇盤踞英邑永壽出家資修砦保障地方有生劉某避難羅邑土人誣執爲賊永壽力救獲免咸高其義方義貫景泰時人性仁厚好行其德嘗捐修三通橋凡邑中大創建傾貲助費碑石俱存

清程天申字聖明邑庠生諳韜畧饒胆力清初土寇充斥奉檄爲練長馭鄉勇數百人甘苦與共訓練多方人皆樂爲之用賊魁皮裘恣爲擄掠邑罹其害出奇計擒之餘黨悉平

馬騰衢字雲遠邑庠生少孤撫於兄嫂奉事惟謹性豪俠好義戶外屢常滿與人交不設城府晚年施榘瘞骸賑粥救饑設渡濟行人人皆德之

程鼎字允士康熙辛酉武舉少刲股愈父疾與兄鑑同居稱友恭族中孤弱者撫之爲助婚嫁資誦讀夏逆之變蘄水李令聞鼎義俠託以妻子鼎待之厚嘗拾遺金訪其人還之

王道大字叔智貢生天性孝友動必循理蘄水程鄭兩姓因貧鬻媳爲捐資贖還黃州太守薦入學使幕中諸生梅三畏等十六人以後期誤考被褫爲懇補試得免後三畏等知之踵門酬謝辭不受

英山縣志

卷之十一

人物志

義行

八一

李天錫字瑤木歲貢生性純樸足不履公庭康熙壬戌鄉里荒歉捐米穀賑之家財幾傾

鄧林植字翹生庠生事兄林楨甚恭謹雖析產不以自專兄歿撫猶子及孫姪無異己出性儉樸粗衣糲食至篤族賑貧則解囊不吝年七十一卒

程明材國學生好義急公與從兄明楷友愛尤篤嘗助田六十石楷歿三子俱幼撫以成立乾隆四年詔天下報除荒畝明材以英邑沙壓水沖久受其困自備貲斧與弟明榮赴藩憲具稟邀例豁免邑人德之

李常豫字建侯邑庠生謙恭篤厚有里人遇難鬻子夫婦哀泣

捐金贖之兼給衣食鄉隣有不軌者多方勸飭卒歸善良縣尹高其行贈曰德可型俗

段鵠字羣宗臨財不苟康熙三十一年蘄水涂楚占於滾石山坳失銀五十兩爲鵠所拾卽以還之子祚誠祚譜俱入邑庠金元碧字石美國子生少孤家道中落能自刻苦以致豐裕性樸儉與人謙退以緩急告者賑貸不吝未嘗貢償郡縣皆旌之年七十卒子秉璜庠生秉瑜附貢生秉連國子生秉瑚少時曾割股愈母疾以孝聞早卒

金秉璜字半玉邑庠生聰穎能文屢試優等率二弟讀書不與外事一時咸重其品年三十六卒士林傷之

英山縣志

卷之十一

人物志

義行

八二

沈榮字武木邑庠生居家孝友人或加之非禮亦不與辨鄰民有鬻妻償債者榮以己產質金五十贖歸其夫知縣劉給匾旌之子孫多列庠序

馬世銳字利菴二歲失怙母余氏矢志撫之性孝友捐置祀田數百担又承母志亦捐田數百担於余氏祠又修西門外石橋約費數百金懿行甚多郡守州牧皆額旌焉

王天興廩生性耿介遇人急難不惜竭忱以救時連年水旱里人輒出其妻以爲度日計興每與金贖還毫無德色族中子弟有貧不自給者尤力加培植俾得成就鄰里欽之

程光治字舜也邑庠生康熙丁酉拾遺金一囊於城隍廟側空

門下曰此必賊所匿也訪失主盡還之嘗助兄光潤田二百担銀一百二十兩與幼弟光濂友愛尤篤邑中改造聖宮隍廟皆督領捐助士民無不推服

沈詩俊例貢生考授縣丞少孤事母鄭盡孝捐置祀產三百担建菴宇二座又捐銀一百五十兩修瓦涼亭險道數里親鄰無告者摧衣食周之子八人孫二十四多以文名

李羣字士渾國學生事親孝奉後母尤謹調給宗族調護里黨人多思之子四世烱世耀世偉俱入邑庠世烱國子生

彭佳彥字嵩望少孤避寇至湖廣後歸故里爲邑庠生援例入監考授州同睦族恤老集無告者養之嘗曰財爲用物慎勿爲

英山縣志

卷之十一

人物志

義行

八三

守財奴歲歉輒散之以濟貧困

方先興庠生性渾厚邑稱長者年三十無子行善益勵年饑盡出所有穀給鄉里全活甚衆時修橋梁道路孤苦貧困者有求輒與後有四子宗時宗曦國子生宗隆庠生

方宗曦端厚有父風見人過嘗面斥有急則必周之未嘗一入公庭敦本睦族倡修宗譜置義田縣尹學師屢額旌焉

姜志隨字公望國學生考授州同少失怙恃孑然自立好施與邑舊有赤脚丁貧民多受其累志隨具呈獨任後遇丁隨田辦始免置義田八十八担爲通甲公費至於贖人子婦恤孤幼助婚娶施棺藥義行甚多邑人稱之

鄭同發字邵錫邑廩生慷慨有氣節工書法生明季艱苦自立率二弟同奭同旦發憤讀書後皆入庠食餼克振其家同奭字棠錫孝友重意氣兄姪相依暮年始析其產皆令各成條段毋起爭端爲人謀事未嘗有所畏避英邑建儒學同發同奭用力爲多同旦字魯錫潛心經史尤精於易邑令屢延爲塾師亦耿介能濟人急諸孫多有以文學稱者

彭正璋年十二父母俱歿能自立家業饒裕恤匱周急諸姪貧者各爲婚娶仍給以田有子五四列國學一食廩餼焉

金晉爵字安侯邑庠生性篤實事親孝兄弟友愛撫孤姪如己出合爨數十載無間言濟孤寒施藥餌存活極多終無德色年

英山縣志

卷之十一

人物志

義行

八四

八十三卒子七孫二十八人多以文學著

金璋字士宜庠生秉衡少子最鍾愛焉歲試強之就道父病私以所蓄命婢付璋妻及父卒營葬公議貸費妻告以前事出示二兄曰此父遺也同居十餘載不營私積析產未嘗爭肥樂施濟貧年七十餘子紹伋國學生能承父志孫七人皆以功名顯沈楷字魯木豪俠好義蘄水劉雲采借本貿易被盜無以償情急投水楷見之間所負曰子母合百二十兩楷卽爲之代還朋友戚族貧乏者每捐財穀濟之子詩融考授經歷詩三邑庠生杜永言字孝思國學生倜儻好施與族戚以窘迫告者必給以錢穀雍正乙巳歲饑窮民欠券數百金悉焚之有武昌胡吉壽

州劉子友麻城王有玉皆世家後耄耄無依至英永言養於家歿則葬祭之終身不倦子孫俱以文名

程光洵父鑑考授縣丞與弟鼎相友愛年至七十猶不忍分析生平不與外事光洵由庠生援例入貢任南北城兵馬司副指揮聽斷明允達官多稱其才致仕歸遇歲歉捐衣食濟人粟米減價平糶長子明標官雲南同知例封奉政大夫

鄧林棟歲貢生樂善好施常收讀書貧士捐資教育歲暮施粥衣每冬約費百金里人稱之子可灼貢生事父孝友愛諸弟內外無間言可煜邑庠生析居時捐產百担弟可炫早逝爲弟婦張立嗣理家事全其志節邑令旌之曰文行足法

英山縣志

卷之十一

人物志

義行

八五

方宗隆國學生恂恂鄉黨無間言尤慷慨好義族里貧者冬給錢米春給種穀婚葬事解囊不吝康熙己丑邑大饑有穀六百餘担悉爲給散年逾五十所有積券悉焚之六十二卒

王守邦字懷萬好善樂施明天啟二年捐置西門外義塚地子正世字殿之明季兵亂獨存有子三天曄字扶旦天愷字扶宣鐸字扶晨皆以文行世其家曄鐸爲邑增生愷自邑庠援例入國學考授縣丞曄子珽字晉三歲貢生好學窮經史年六十餘晝夜膝下及膺歲薦老父猶及見之云

劉士登字瀛升邑庠生嗜學善書明季兵燹猶手不釋卷敦孝友族中孤弱貧困者悉撫助之四子俱列鬢序工文詞邑令常

餽金帛旌以匾額固辭不受年八十二無疾而終

余延瑞字聖兆貢生早失怙克遵母訓每祭痛父早亡輒感泣數行下伯父庠生道源早逝伯母劉苦節無嗣乃以其住屋改爲公祠所遺田產半附公族奉祭半擇本支親者爲立後慷慨輕財有古烈士風

段鴻邑庠生少孤事節母孝嗜學善文性好施族里貧困者多沐其惠城中每大興作捐資不吝子祚論亦倜儻慷慨有父風張可信字存樸邑庠生性耿介雍正九年報畝陞科邑受其累偕程明榮等赴省呈請豁免士民賴之

徐在璜字鍾南嗜學能文幾售復失尤敦行睦族率族眾大楷
英山縣志 卷之十一 人物志 義行 八六

大椿道淵道煌等捐義田七十三担坐落廣里土門口等處以贍貧窮知縣董批令泐石鐫譜以垂久遠族眾賴之

胡學旦

已見
孝友

江冀日字淵若增廣生年六旬猶逮事父母承歡色養弟早歿孤纔兩月弟婦堅守撫之同居數十年俟其成立方析箸戚黨張某幼失怙恃撫於家爲之婚娶舉鄉飲介賓

劉

焜

已附見
忠烈

沈宗恪

已見
孝友

彭正綱字敦五太學生性耿介卓犖不羈遇人急難曲爲排解雖飲費亦所不惜嘗因事赴州適主東鄰右有黃姓者因貧鬻

婦綱出金贖還無德色士林欽之

程明穰太學生光泚第五子敦行孝友父歿析產兄附貢生明接以食指眾不給穰聞卽以田稞百担讓兄季弟楸因舊居狹隘欲更壞塏穰助以田稞百担銀三百兩不足復給以穀三百担屋始落成英邑向例輪充戶役安里二甲鄉民多不願充穰捐田稞三十担存公爲每年戶役之費其孫庠生步雲亦捐修志費有乃祖風

王從龍字宗允年十五入泮食餼少孤事節母孝性好施與屢出資財以濟人急每歲六月發粟賑貧於族黨尤加厚焉乾隆壬申小醜竄英曾捐金助縣主募鄉兵捕賊由是寢息伯死遺孤未滿五尺代爲撫養成立兄庠生從夔早喪爲之建祠宇置祀產人咸善之

聞世鼎順治十年捐田稞四十担建栗林菴雍正二年聞世選學謨等復捐田稞八十担重立施約稟請縣印改名善教菴嘉慶二十一年聞詩和詩禮詩綿等重修有碑

段柱邑庠生篤志窮經有言必踐性豪俠曾捐置倉廩貯穀以備荒歉邑令童有好義足風之旌柱中年病故其妻程氏力撫諸孤辛苦備嘗卒恢先業詳載州志

沈承銘太學生性忠厚樂善好施里黨多沾其惠損貲二百金置田稞十五担設筏於金家鋪渡口濟人往來

沈自桂國學生性純謹好施與捐百餘金置田稞八担於金家舖設義渡

彭其和字雨平性明敏嗜古不倦卒躋文場遂略時藝專以考古爲學或勸入成均應鄉試答曰豈爲功名始讀書性尤慷慨有女子抱孩乞於門言語異宜詢所自女云我孫姓家世居楚因夫以訪友赴川未歸適遭水災流落至此和憫之養於鄰媪專丁招尋其夫携女歸故里焉子中順中裕中炳俱國學孫曾多列膠庠

馬道法例授州同乾隆三十二年捐乾塘坳田稞五十五担花稞九十斤正米四斗二升入南河渡又南河渡安里眾姓捐南英山縣志

卷之十一 人物志 義行 八八

門外基屋一所納租六錢又捐張家灣田稞二十一担魚塘二口納稞二担又捐觀音菴花地一所納稞三十斤又捐長沖田稞五担花稞二十五斤又捐高家橋田稞七担附於此云

杜興洪太學生幼失怙恃負經濟才敦本睦族倡置祀產並義渡撫族孤保護周至善書法工吟咏著有步月草堂詩集年七十三卒子三俱列庠序

段祚論字書升太學生孝友傳家尤樂善好施鄉里擢重以事赴州路遇州城同知程曰庠自潛歸全宿薜草塢是夕旅次火公與程各携行李以出次早公憐主家火災傾所有給之又於途拾得川商遺金三百兩反之狀聞刺史金宏勳協鎮苟天保

同命入見携手極贊賞之子四永浹永潞永澍永澣俱入宮墻
金序塘字宇三歲進士性孝友撫孤姪如己子俾皆成立家居
嚴正處鄰里亦如之有紛難一經排解衆皆感服戚族貧困者
量力賑卹力不足則釀金極之修葺橋梁寺觀慨然解囊於文
昌宮創立文會爲闔邑倡扶公仗義類多如此子光懌增生光
怡廩生孫五一歲貢生一州判三入成均

沈德鴻字孔昭國學生孝事繼母性忠厚樂善好義睦族黨恤
孤苦橋梁道路多所施捨鄉民有鬻妻償債者爲設法贖之有
王姓老人無依養之數十年臨歿囑其子善視之

王正世同男天暉天暲天鐸康熙三十四年建立圓通菴隨菴

英山縣志

卷之十一

人物志

義行

八九

有山厰花地及劉佃油稞餅稞並每年由祭撥六斗斛穀十五
担奉香火嘉慶三年天暲孫繼年復捐由祭撥穀五担又正世
支下公捐銀一百五十兩重修廟宇後接年修葺均由祭並支
下出費俾垂久遠

傅士柱字雲波太學生喜誘掖後進因族衆多寒士捐稞四十
担入祠以作考試之費

王善行例授衛千總嘉慶十八年在蘄州買婢方女本鄧自賢
兒媳善行查知給還原字令鄧夫婦團聚並給鄧錢四十兩以
爲衣食資方鄧兩姓愛戴之十九年捐建繼志木橋於吳家河
在城南四十里並捐田稞十担以作看橋人工食現又捐錢一

百一十兩作闔邑修志及改建奎星閣等費

傅作浚字乾山太學生早失怙恃事繼母孝樂善好施減價以糶貧苦者輒不取償嘗有山樹被竊值數十金家人鳴里正浚言搜緝以示警可耳蓋欲其藏匿不忍令受惡名也其和厚類如是年七十三卒子四士榘邑庠生士鰲廩生士桃士桐俱太學生

葉夏綦字玉庭性渾樸鄉里稱爲長者捐田稞七担三斗補修土門潭橋樑

傅以芹字香澗太學生讀書能文幼失怙事母和順喜施與族戚不能嫁娶者貲助之鄰里困乏者周卹之修礮建寺捨藥諸

英山縣志

卷之十一

人物志

義行

九十

舉皆不吝解囊與弟太學生以藻互敦友愛年五十一卒

楊煥字國彩監生性孝友親歿哭泣喪明嘉慶十六年捐田稞二十担入武廟供奉香火道光三年捐錢一百串助修縣志段芳玉字玉堂貢生慷慨樂施捐水田二十担入縣南門渡以濟行人子攀光庠生騰光國學生

安正邦監生詩賦詩錦之祖也慷慨尙義乾隆二十一年丙子因合里漕務不均編立花戶成甲續於二十五年將曾祖紹宗所置紅絲衝田稞五担捐入甲內有碑嘉慶六年賦父德三同姓詩咏復捐錢七十兩邀同甲內人等置大聞衝田稞五十担一切義舉不避勞瘁癸未夏修志詩賦詩錦又捐錢一百串

段祚調字和五附貢生積學好義尤精地理醫卜每施方捐藥濟人甚多鄉黨無不欽慕子永沖永潭永泐永汧俱列宮墻傳作濱字象山太學生性耿介喜施予捐銀八十兩以成本里義舉邑令趙旌以額曰英偉不羣

段有泰字中行庠生好施與捐田稞七十餘担建置騎龍菴沈盛福與監生袁平富柯奠根陳灼德等公捐棗樹灣田稞二十担在縣北栗樹壩造天星橋每年稞項積爲修理之資行者賴焉

汪正煌字如裳太學生性篤厚儉樸喜施與平糶糴時遇荒歉穀價仍照豐歲不多取錢鄉里德之年七十三卒

英山縣志

卷之十一

十一

人物志

義行

九一

段永湘字晴嵐附貢生醇厚豫德凡建礮設渡輸金不惜有佃民因歲荒鬻其子媳給穀勸止之族有家貧不能赴試者助以資斧並卹其家遂以是年入泮鄉黨高其行焉子荃芳府經歷捐田助祀有記次芬芳業儒慷慨有父風

王善養字庠者邑庠生敦行好義督修家譜慨爲捐資尤敦友誼友人金序瑒赴任湖南厚爲餽贐邑中建立興賢館贊襄厥事與有力焉

傅士煦太學生字曙修孝友性生植品端方宅心忠厚敦倫睦族捐資立祠有懿行焉

余延藩字造周邑庠生誥贈承德郎子龍字雲昭候補州同封

承德郎俱品行端正刻己濟人鄉黨推重

余善經字天申號遜齋由增貢生候銓府經歷長才博學名動一時爲善于鄉事跡甚夥邑侯丁應鑾爲之傳

傅士燮恩貢生字東會博通經史立品端方兼善岐黃活人無算子二以增以壇俱庠生

葉榮浦字南濱太學生少孤事母鄭氏孝母年百歲時浦已八十猶刲股救母生平端重坦易捐葉家舖田稞二十三担入秀祠每歲底分給同族貧丁鄉民窮乏者亦多周卹捐粟十六担爲竹筏以濟人捐粟十六担與葉海慈菴爲敬惜字紙費與妻匡氏俱九十一卒

英山縣志

卷之十一

十一

人物志

義行

九二

段永藻字文甫邑庠生性慷慨任事修宗祠培祖墓族有因貧鬻妻鄰邑者捐金贖歸宗黨義之

余善福性忠厚喜施與族中貧乏者隨分以濟之姪妻傅氏曲全其志內弟沈盛杠十二歲而孤其子亦三月而孤俱撫養以成婚至監修明倫堂城隍廟文昌宮置祀產置義田生平所爲人多善之

金紹僑字東村歲進士品學並重律身清儉而遇善事無吝色最著者有某負其多逋遠逃不以爲恚轉常周濟其家得以生活後某載積金還償其夙欠感戴終身晚年多刊善書印佈流傳先是其母誥贈一品夫人傅氏夢緇衣踵門寤生僑蓋有夙

因云子五序球監生序璪庠生序璈序塘序玳俱貢生

鄭昌寶字璞齋附貢生弟昌齡字桃溪附貢生均廩貢生本超子兄弟少孤友愛孝事節母讀書立品表式鄉鄰周恤寒畯乾隆二年其曾祖原任山西大同府同知元昆捐合邑生童試卷田稞六十担各大憲贈義及菁莪匾額後田被水傷其祖乾隆丁酉舉人一坊換捐樊家沖田稞六十担棉花稞五十斤近因應試人多寶兄弟克承先志於道光十年續捐樊家沖田稞四十担前任翟贈有疊惠士林匾額

鄭光籍字文田太學生附貢生昌齡子性慷慨嘗捐百金助修公祠又捐數百金爲房叔置立祭產歲荒疫施棺百餘具又延英山縣志

卷之十一 人物志 義行 九三

醫爲貧兒種痘數百不取藥資出粟濟貧輸金培士助婚助葬平糶免逋不一而足鄉里稱善人焉性嗜吟咏與其父昌齡共著有吟窩合編

余維燿太學生少孤貧成家立業教子時偕以義方撫姪時亨猶已出兄弟分多潤寡鄉鄰貧乏者多調恤人咸義之葉超衛千總慷慨好義父夏綦嘗捐田稞修土門潭橋梁超復捐田稞二担五斗超次子監生方勉於道光戊子年續捐錢一百零十兩補修殘闕行人德之

金紹杰字學南性聰穎工詩文磊落不羈善養親志尤喜吟咏著有怡園詩集子祖勳玉堂俱庠生勳與胞弟序莊捐金家鋪

板橋並捐田稞八担爲修理看管費又捐錢四十兩爲金鎮東嶽廟僧續摘典田十一担爲香燈費有碑刻

葉時城字錦如性純樸品端方子光輝監生慷慨好義道光丙申年捐修金家舖上街頭橋梁一道捐金家舖街頭田稞五担爲看管費

胡延邨職員性好義家有餘糧減價出糶梓里咸慕其德贈額曰厚德載福聯曰義種心田德培根本惠周梓里福蔭子孫卒年七十三子三華聯業儒華第職員華捷州同率後輩仍守先人遺風迄今弗替

段永燦字明照國學勤儉持家取與不苟族有因事鬻產者糾

英山縣志

卷之十一

人物志

義行

九四

眾買之及贖歸仍以己私分存公又督建祠宇捐基址三重族中頌之子芳塏例貢生舉凡公務慷慨有爲亦能繼承先志蕭正鰲幼失怙恃克自成立由勤儉興家管理祠務數十年出入無私多置祀產性公正好善樂施焚借券不令人知題有當有餘地區額以勸後子如煥孫宗瑜宗偉俱入國學李芝彬太學生少孤性豪俠好義婣族中俊秀者教讀之孤弱者撫恤之輕財重義排難解紛人稱其德姜新澤太學生爲人豪俠重義輕財好施與重交情貧者借貸多不取討廣施棺木瘞葬貧骸買山培祖墓捐田建公祠族黨咸頌德焉子思楷庠生

杜紹烈太學生豪俠好義遇邑公事踴躍趨赴先世倡捐沙河嶺義渡續捐竹料有年又倡捐雷鎮東嶽行祠燈棚會局置田稞十担花稞二十斤勒有碑子芳增芳城俱入庠

張道和力學未就性厚樸喜施與鄉里稱貸多不索償遇公事輒努力趨赴多所賠累倡修茶園嶺路暨涼亭至今賴之孫鵬萬庠生

楊國彩太學生與安在廷胡鵬遠等昔年倡首勸輸在廣里五里牌建立茶亭置田稞五十六担名廣善義局後有監生徐光遠陳思宏徐光濱徐元棫等將義局公置田稞內分派穀石復倡首勸捐在東庄畷續建茶亭二亭相距二十餘里山路險阻行人息肩解渴多所賴焉

英山縣志

卷之十一

人物志

義行

九五

安詩璣詩南俱國學生慷慨好義多行善事捐楊樹溝六斗斛田稞四十一担花稞十六斤在白坊嶺新建瓦屋三間永遠施茶現稟請立案勒石

安仁庠生性孝友品行端方言語謹慎有古君子風好學善書著有日新集課子姪輩遊庠者數人尤慷慨好義捐田入祠且與兄弟叔姪捐南闈卷田施茶亭置義產邑中咸欽頌焉
蕭正增太學生性質樸敦友愛遇族黨有事故者必勸釋不惜資費遇貧困者多所賙恤道路橋梁捐資助之孫多俊秀
姜思勝字添一古樸士也爲人忠厚謙讓捐置祠宇廣修寺觀

親鄰貧乏者多賙恤壽八十四子明堂太學生孫典紋曾孫文忠俱登仕郎

吳世銓力學未售鬱志成疾臨卒命妻張氏損田稞三十担存祭族以節義流徽頌之

杜一枝武庠精醫好義施藥活人善書喜吟咏子四從龍雲龍占鰲孫承恩俱武庠

蕭正鯤性渾樸兄弟四幼失怙恃諸弟賴其教訓成立皆能節儉持家凡定親婚嫁一手經理至修橋路累費數百金鄉里以好善樂施稱之妻劉氏賢於內助一切善舉與有力焉子五長顯謨列成均孫曾蕃衍

英山縣志

卷之十一

人物志

義行

九六

彭中順字慶南太學生性量寬和舉止端正宵小畏侷其面里中有是非曲爲排解戒以勿訟經管祭務興創甚多撫房姪元珏如己出時有窺珏孤弱者挾前隙累以訟欲蕩其家慶獨力支持不避嫌怨卒獲安全族黨欽之子鼎元庠生

劉天保字慶廷太學生性孝友篤志好學遇公事輒能竭力里中社倉及邑興賢館俱與胞兄天柱踴躍捐輸子德大登仕郎躍鵬萬鵬俱武庠德輝太學生幼子賢舉儒士

方衍洛字書也太學生生平公正力行善事捐置義田嘗以棺木予族之貧者子振庠生塚增生孫曾多入庠序

黃宗榜恩賜登仕郎居城市存古風忠厚傳家和族睦鄰恤貧

資乏其姪幼失怙恃撫養成立四世同堂卒年八十子德廉太學生循分守己仗義疏財人以爲無忝厥考云

彭中燾字鑑堂太學生管公捐資輸產興祭族黨貧乏者多受其惠子履元國學綽有父風

段芳玉字玉田由貢生例授儒林郎好善樂施克承父志曾捐南河義渡田稞載前志今又捐田七十二担入本族大祠祀祖興賢周恤族鄰貧苦感激者多父永澍例贈儒林郎母王氏例贈安人妻王氏朱氏均授安人子攀光庠生騰光州同迪光國學祥光都司督建文昌宮於里捐錢一百串全光堃光俱國學段芳楈字華林太學生賦性耿介祖遺薄資經營累積置祀產英山縣志

卷之十一

人物志

義行

九七

建祠宇督理親兄弟家計取與不苟族黨咸羨服焉子光偉光灼光均俱列膠庠

方之橋字有南庠生孝友性成疎財仗義有友程某鄉試病卒身任殯殮與族兄貢生之灼護柩歸里邑人義之子焱庠生郭序瓏太學生慷慨好義與弟序瑛友愛同建宗祠置祀產創修廟宇凡有公事皆不辭勞鄉里咸稱懿行焉

段芳欒字紫芝例授州同性孝友撫姪光繡如己出教養成立俾入國學及析居田產視所欲悉與之邑中建興賢館修縣乘首倡捐助又輸鉅資修宗祠家譜鄉里咸引重焉子光緒監生段芳璨字殿廷太學生耿介篤厚鄉塾歸拾遺金三百餘兩訪

還之督家政大有興創姪烈光生甫兩月失怙撫之入國學烈早卒二子俱幼復撫之成立族有女壻家貧欲鬻之倡議捐貲贖回士艱資斧輒樂助之慷慨好義類如是夫婦八十齊眉子光照太學生聯廩生

段準字司衡庠生幼失恃事父孝養備至性醇謹待人正直重然諾嚴取與耄猶好學不輟幼弟歿撫姪猶子督率成名子星池太學生光熙賚奏廳職員

王善焯字蘭泉太學生爲人慷慨靈敏遇事能斷族黨中排難解紛雖猥子戾夫無不讐服經理興賢館事量入爲出圭撮不爽督建宗祠司屬役賦工之事鄉里咸稱之

英山縣志

卷之十一

人物志

義行

九八

王治安例授布經歷好善樂施曾捐田稞五十担入祠以贍族族以范希文擬之嘗買范氏女爲婢給金三十兩後偵知故雄尙在卽反女贈之金俾完婚事又買婢蘄邑聞女父在庠不忍以讀書人女等於扈養亦反之有乞婦子甫四齡婦病歿瘞於義山畜其子於家教之如己子尋其親屬則龔姓也旣長而後歸之其姪太學生修紱將治所捐田稞經管多年漸有貯積後因族事愈繁度支莫繼紱復自捐田稞二十五担二斛以爲合族祀事興文之助

傅天杞字夏傳性耿介事母孝母久病調養不倦好義急公嘗捐屋一座爲重修祠宇費子寶貴庠生

傅寶炘字霞照性樸儉幼失怙恃耿介任事敦倫睦族族黨貧乏者屢有周濟並倡修宗譜祠宇捐貲不吝生平不入公庭子孫蕃衍

段永淙字吉人太學生好善樂施方藥濟人輒驗不索值散粟以周貧乏買山以瘞無歸生平不入公庭鄉里咸稱長者子芳棟庠生

王成蔚太學生明經堅善三子性孝友好義以兄董家政食指浩繁一切無不曲體兄意待姪逾於己子教入庠序者多至造橋濟人倡捐置田稞八担積金二百餘兩垂之久遠人多羨慕彭中裕字卓哉太學生有長者風嘗焚積券不令人知性嗜古英山縣志

卷之十一

人物志

義行

九九

課子延師曲盡其禮師有弗稱意處悉心體會不俟其解悅不止人慕其重道之誠子煥元菊元俱積學未售士林惜之孫本達庠生

汪正朝字國棟慷慨好義樂施與屢焚逋券鄉鄰多陰感之年六十八卒

汪家典字效前登仕郎性純厚樂善循理先世累以忠厚傳家父正煌減價平糶典遵行益力鄉里號稱長者子大觀翥俱稟父教觀入成均翥以儒生教學子孫悉嗣詩書焉

金探爵字選士太學生性溫厚慎交遊正直不阿乾隆五十年大旱煮粥以救餓者全活無數其子孫衣衿相繼咸以爲厚德

之報云

余維焯字禹疇庠生卓犖不羣冠軍入泮董理興賢館事監修邑乘性好施與排難解紛人皆善之

彭中甲字鼎三太學生品端正豪邁不羈宵小畏謀其面里中貧無告者量力周濟至理祭務培祖墓修橋梁諸多捐助無德色人咸義之

王吉長性孝友存心忠厚有古君子風生平志在興祖將病囑子祥文大祖捐田稞二十五担保淦祖捐田稞十三担佑成祖捐田稞二十担永爲祀產後文遵父命如數捐出闔族稱善

王若霖邑庠生性耿介不事阿曲生平肯面折人非里中有爲

英山縣志

卷之十一

人物志

義行

一百

不善者輒畏其面教讀數十年族中及鄰里子弟成就者眾

王蘭邑庠生慷慨好義鄰有爭端不惜捐資排解俾全和睦其培植祖宗經理祠事尤能終身不懈

段芳株字錦堂號松齋監生性溫厚敦孝友遇非禮事犯而不校生平未入吏庭持家有創有承事親孝左右就養晨夕不倦捐錢七百餘兩入公私祖祠親族間樂於摧解壽居古稀妻查氏勤勸內政族中額以懿德延年現壽八十有七子光燧光琅俱入成均

王善推字篤祜積學未售入成均誥贈朝議大夫存心立品足不履城市里中有紛難不辭賠累曲爲排解戒以勿訟至修宗

祠培祖墓倡捐督辦及功成退居人後鄉黨稱懿行焉子以成庠生克承父志孫曾多列庠序長孫葆修由進士官刑部主事段聯芳字玉池守備銜道光己酉春邑人公議城西門外兩河口舊塔爲文風所關宜再加工以壯觀瞻聯慨然捐修前知縣牛贈以提振斯文匾額

彭鼎元字紹英庠生性忠厚不念舊惡饒有古風嘗曰吾輩坐誦終身有何善行及人惟就力所能到若隨分自盡亦可稍補缺陷生平管理公務守正不阿雖多賠累無怨言年八十五時每晨起猶朗誦古詩以自遣

金光慶太學生幼孤至性純謹立心端厚偶與市店結算貿易帳誤入數金歸家查出亟呼主人還之堂兄蘭畦尙書假歸常稱之曰昆弟樸誠盡能如此吾無憂矣性好施與凡濟人利物事無不勉力行之年八十卒以孫馥遠貴貤封奉政大夫

沈盛時字立中監生週歲失怙既無伯叔終鮮兄弟母氏汪相依爲命性慷慨好義捐田稞數十担入祠爲祀產捐田稞十餘担爲金家鎮渡田戚族寒士多所周卹至建祠宇修家乘凡屬義舉無不倡首飲助子五驥德鶴德俱國學驤德積學早逝馴德選用從九加軍功六品銜駿德議敘八品孫多列庠序葉鳳翱字繼志庠生性孝友孤姪甫八月撫養教誨視如己出咸豐五年何丹畦觀察駐軍翱家捐資助餉贈以好義急公匾

額年八十五無疾而逝子維楨布經歷方義同知銜慶熙慶恩俱例貢生

葉方泰字階平監生居心公正有果斷才值粵匪竄擾奉諭辦團陷城中無懼色後上游保舉推以讓弟專以岐黃術濟世不受一錢鄉人德之

金序芹太學生性純厚事孀母以孝聞撫孤姪如己出樂善好施睦族和眾遇有犯己者弗與之校人服其量

彭鈞元字玉章太學生性和厚口無過言作事務求實踐有房眾因公歎費議拚祖山一切蔭樹章獨出金買蓄隨卽捐公以示無私年四十四卒臨終語子曰往歲佃券數十紙今不及清

英山縣志

卷之十一

人物志

義行

百零二

釐矣我死汝當盡數檢還事繼母孝母怒和色以解始終無間母歿喪葬如禮人嘉其行

胡顯驥字電赤登仕郎好學輕財任事慷慨董理興賢館務墊錢六百餘兩以濟公用經前知縣撥公稞抵償辭不受捐入南河義渡後又捐入高家橋田稞五担二斛卒年八十五

湯信麒性渾厚拾遺金欲訪還之暮歸告妻張氏張亦善其說次日携金至原所立候失者歸之麒歿氏辛苦備嘗訓子立賢入邑庠

李祖官樂善好施里有山溪深險難濟捐數百金修石礮一座後人因名其橋曰李公橋

傅文祥太學生倜儻不羈輕財重義鄰里貧窘者量力推解遇是非事必曲爲調停俾歸和睦咸豐年間鄰境避難來投者多所周卹遠近咸以善士稱之

王佑成字宗顯親歿成與兄祐禮佑智佑信誼篤友恭勤修家政克承先志戚族貧乏者時加周卹修譜牒建祠宇置祀田諸急務尤出力經營不恤資費闔族稱善

胡學樂庠生性孝友豪俠好義捐建石梨寺報國菴皇經堂共計捐入菴田二百三十餘担

胡中鰲字明陽登仕郎奉孀母撫諸弟孝友甚篤待姪如己子倡立社田排難解紛毫無袒曲人稱善焉

英山縣志

卷之十一

人物志

義行

百零三

聞立級字陞三例授九品性慷慨好施與曾捐建石礮三處行族稱之

汪祿圻自處儉約凡遇族戚未能喪葬婚嫁者靡不勉力攸助岳母家貧生事喪葬一一如禮孤甥徐家貧口濶值歲歉幾不自活出衣典當與徐度荒年七十七無疾而終

丁應發太學生好善樂施遇人窮困輒賑恤之路之險峻者多所修治嘗見霍邑黑石渡爲往來要衝每當河水漲發渡夫橫索行旅艱窘謀於太邑劉學周議將昔年在彼處共買田稞一百四十担捐爲義渡劉亦允諾蕭士倫士宏兄弟暨姪宗多亦捐六安鳳凰臺田稞二十五担丁現邀眾資助以襄其成

事詳霍志

姜文慧字業園登仕郎秉性孝友處世端方兄弟析產不較厚薄族黨中貧乏者周恤不吝生平不履城市闔地贈有鄉里善人匾額子時藩監生

蔡韜閔職員輕財仗義遇鄉里是非事極力排解倡修黃泥畷大河橋渡遠近欽之

鄭昌盈秉性孝友處世和平姊適李旋因夫歿守志貧苦不堪迎養於家以全其節合族欽之

蕭宗嚮字峩山恩貢生以辦團保舉縣丞職銜董理公務興創甚多遇鄉鄰急難輒排解之現年七十三精神矍鑠子鴻澍貢生肇吉監生鴻祺庠生

英山縣志

卷之十一

十一

人物志

義行

百零四

胡夢朱字理亭增生疎財仗義倜儻不羈自幼能文督學皆目爲偉器咸豐時粵匪竄擾督團捍衛鄉鄰各帥駐軍者咸相倚垂旋以從九品選用賞加藍翎

胡顯域字集鴻賦性忠厚施茶水捐橋梁善事樂行不倦妻段氏年七十猶紡績儲錢以與乞人族贈厚德延齡匾額

段芳峻太學生勤儉起家謙約自守足不履城市捐建喻堰河橋軍興屢助糧餉壽七十一妻王氏內助有賢聲現年六十餘子四月光碧光達均入成均

胡延智善文詞工書法由歲貢授潛山縣教諭嘗倡建本邑學宮施法華菴產庠生龍兆其後裔也咸豐間兆隨刺史李采臣

知縣祝昌奎帶勇勦太旋被賊困城陷官軍覆沒兆獨潰圍出恍惚間若有引導者人疑爲智之力云

胡應旦與弟應煥性耿介喜施與倡捐田稞十二担爲廣里五甲義舉鄉人賴之

段光憲字薰黼性耿介道經蘄水高塘岸拾圖票二百兩詢知失主歸之子錦照儒士孝友可風昭繡縣丞昭緒從九銜孫大訓從九銜大余庠生大德國學

葉瑞青字芝田爲人端正不履城市工岐黃術施藥活人無算葉時雍字春田授州司馬銜性孝友諸兄擬爲父母建祠置買祀產未遂雍率子姪輩成之又推公共吉壤安葬長兄絕無吝

英山縣志

卷之十一

十一

人物志

義行

百零五

意時謂其篤本根焉

段芳悌字訪知太學生慷慨好施嘗捐本邑南門義渡田稞錢四百兩田稞十担續加捐十担三義渡田稞十担續兩次加捐二十五担兩斛花稞二十八斤鄉試油燭費田稞三十担又捐本族祀祖興賢月稞敬老各項田稞二百餘担

徐道江字鳴岐監生蘄水縣籍天性友愛胞弟道源分居後負債甚重江出金二百兩湊完壽八十三子維翰庠生

汪正祥字順興性謹厚尊祖敬宗疊捐稞入祠以爲祭產族人稱之

陳輔仁字元善興國州籍性寬和調恤貧族佃戶夙欠多推讓

之子四能承先業卒年六十三

黃懌麟字繼勳性正直善岐黃術施藥材活人無算遇有爭執極力排解不惜資財鄉里稱之

董必奎乾隆年間人也時有馬朝柱得異術蓄志不軌匿跡天堂寨私造兵器凡遠近紳耆名目多半牽註冊簿以爲起事挾制之階事覺英羅兩縣會拿奎得其簿閱而焚之旋督憲臨英追查奎直認誤被火焚罪當在己憲會其意遂不再追

楊廉臣例貢生幼負不羈才磊磊落落長益敦古誼慷慨激昂凡地方茶亭橋路及合縣公益無不捐資以爲他人倡鄰族今尙稱之子源濬源澄五品銜

英山縣志

卷之十一

人物志

義行

百零六

江希登字煥蘭羅田人性慷慨疏財仗義同居數十人登主家政蓋棺之日篋無私積平生訓子姪不少假詞色遇有以興舉義行聞於登者無不允許如本籍水災捐賑千四百金英霍歲饑屢辦平糶至資助嫁娶修治道路則有口皆碑焉

蔣開第貶封修職郎性孝友胞弟槐午由拔貢登仕版悉賴培植之力家雖寒素邑中文武廟宇暨文昌宮遇有毀壞傾圮時靡不倡捐修理邑尊王寅清贈有年高德劭匾額卒年八十六胡佐清字凱臣邑庠生性英敏有豪俠氣鄉里疑難之事就質之剖決如流尤喜儒墨凡文人學士之造其門者類皆優禮相待士林咸崇拜之

段光慶字長發性篤厚能知大體曾祖肇沅向無祭產祀事闕如慶捐田稞十一担零半斛以爲春秋祭掃之資又捐田稞四担於觀音菴以助香火尊祖敬神素履已可概見

王元芝字省香性情磊落好善樂施清光緒戊寅在縣南四路橋捐建石礮二座動用錢八百餘緡復在橋邊捐茶以濟行人沒後子樂昶猶遵行不改

段昭毅字嫁軒性嗜經史不求聞達疎財仗義遇人有急輒轉借貸不取償家資中落妻王氏亦善承夫志不聞謫聲晚年家道寢昌人以爲報在孫子

吳良訓字詳之太學生性和厚好義急公丁咸同之亂鄉里焚劫殆盡待舉火者數十家又遇大兵過境餉糈缺乏不吝捐助鄂撫胡林翼獎以九品職銜卒年七十三

段光碧太學生字秉章性剛正急公義同治三年江督曾新頒改折漕章邑令不遵定價碧自備資斧單身赴省控爭訟直後邑令張達五蒞任贈以喻義可風匾額

王修鴻太學生樸實耐勞重修大洋畷千工堰灌田數百畝今利賴之

王安吉州同銜俠義可風買妾問有本夫弗納送還其家時粵匪寇英首先捐貲以助軍餉邑令何家驄爲之作傳詳家乘段再瑀字周珍嗜詩書樂施舍蘄邑有程姓者貧甚鬻子爲僧

父子相抱哭甚哀瑀知而贖之俾全慈孝後程子還金瑀不受
又有佃人裴姓一家連喪數口無錢棺斂瑀醵金助之無德色
段芳瓏字鳴石廉明公正慷慨好施有同宗某貧不自聊將田
得價掃賣瓏憫其來日大難出錢贖歸至今某子孫猶藉此田
存活皆瓏賜也子郁蘭邑諸生解紛排難綽有父風
石曉嵐字履中見義勇爲因育嬰租薄不敷乳費慷慨捐六斗
担田稞五担一斗立契交堂永資補助又石瑤公祭施白舖茶
歷有年所路人稱道弗衰

王安定字訏謨幼嗜學肆力於古不屑屑爲帖括程式爲人嚴
氣正性好善藥施同治壬申歲楚有避水患者諸生魯倫揭眷

英山縣志

卷之十一

人物志

義行

百零八

道英適妻卒無以爲殮定乃厚給衣棺殮具且貲斧之俾歸葬
晚洞歧黃旨醫者駢肩雜還診且藥郤其酬

王修械字作卿儒士屢試不售遂絕功名念終身不出凡周人
之急濟人之貧隨時應變咸得其宜與人絕口角之爭足不履
公庭者五十餘年及卒里紳方幹稱之爲治家有法與世無爭
平生如助捐文廟拯困乏澤枯骨諸善難以悉舉

萬世榮清監生咸豐九年捐田稞六十六担以爲祖一龕祀產
又光緒六年捐縣城北祠基一所足錢二百串建修祠宇

陳庶績清例授州同秉性端莊持身慎重發善書施棺木以及
施茶修渡建育嬰堂諸義舉無不貲助又曾捐田稞十五担修

安里大畷河木橋以便行旅光緒丙申賑濟本邑水災續修城垣修文廟皆特別捐輸縣令陸詳請獎給惠濟桑梓匾額
陳汝義號伯珍廣里二甲昔年共購有義田若干以備荒歉珍以田少用繁後難爲繼慨然捐土名大畷坪田稞三十八担補助之時知縣李公春明贈義舉可風匾額

陳藜照字次青太學生慷慨好義奉諭督團擊蓮匪匪黨焰熄晚年酷嗜善書沐手敬錄裱示之以爲勸生平尤敬惜字紙嘗倩竹工做字紙箋若干許命人掛之免遺棄子五良錦廩生
陳彥淮字永華清誥贈奉直大夫性篤厚同治甲子兵事籌餉輸米百數十斗族中建支祠捐基四股之三又捐基址建亭子
英山縣志

卷之十一

人物志 義行

百零九

嶺茶亭行人便之長子鏡波歲貢生州同銜
陳定魅字梅亭清誥封奉直大夫性剛直守正不阿同治時倡修游擊寨建有石垣復命子士升捐田稞八担入祭他如捐祠基修祠字以及地方公益事無不極力爲之長子士升詳仕籍
吳廣鑫字貢三太學生性敦孝友慷慨好義族自宋至清無享堂捐錢千餘兩創建祠宇鄉里貧民不能娶者輒助以金不責償常置棺木市藥材貧者購買值不取盈有賈藥與棺無力償者券悉焚之凡邑中大創建並橋渡等傾囊伙助陸令詳請給以勉力急公匾額長子紹鴻庠生
黃昌樂字顯俊性慷慨樂施濟道光二十二年大荒多餓死者

出錢購棺木掩埋以數十計倡建楊柳灣橋渡捐錢一百五十兩又邀衆湊資置田稞二十八担今利賴之
黃明昭字左臣監生性慷慨樂濟施文廟明倫堂及城工捐輸共錢數百兩

呂偉在人品端正光緒丙申邑修理城垣首先捐資由縣詳請撫憲轉咨工部獎給勉力急公匾額

熊訓元字春榮監生喜吟咏尤精岐黃術嘗施藥材以救貧知縣李文泉贈濟世活人匾額卒年八十四

胡學清字正名謙和篤實睦族敦宗堂姪某幼孤視如己子鄉豪涎其資將禍之力與之抗至于破家某產得保並割腴田以

英山縣志

卷之十一

人物志

義行

百零十

益之李氏兒清妾饒氏前出也饒卒僅一齡撫成立爲之娶婦並授以田平生喜施與曾捐產建指月寺耗千餘金不之惜邑令林舉鄉飲大賓並贈匾額子公行歲貢生孫華畿廩生
胡應普號竹溪太學生性孝友尤好善家產殷實人口浩繁能協和諸弟內外無閒言魯之裕觀察落魄遊英厚贖之同邑金序珽父子入都缺資斧慨贈四百金蘄水范某側室與嫡勃谿逃至近村普卽遣人送歸范感激題聯額以贈其他減租焚券等事實難枚舉云

胡順榮字攀桂國學生性剛正遇善舉輒解囊樂助里有引福橋係赴省通衢榮毅然倡修欸竭不能告竣出重貲成之某批

田屋虧價甚鉅慨然墊付焚券不索償有壽州災民劉姓者沒于棲流所購棺木殮葬之平生好義里人咸樂頌焉

劉青亭字南選嗜學好義管三甲田產贖田稞三十餘担建倉廩起族祭會捐基修祠宇尤於鄉里有排解功

張曰仁字義生生平急公好義捐建開元寺卽茅菴茶園嶺涼亭起祭會修祠宇捐祀祖興賢善後田稞七十担迄今後嗣倚賴焉

石琢之字崑山慷慨樂施輸百金助平髮捻匪仝兄弟捐田稞四百五十担入興賢館隸英籍至起祭建祠敬宗睦族皆卓卓可紀者壽七十時減收佃人庄信訂爲定例鄉里題額曰仁厚

英山縣志

卷之十一

人物志

義行

百十一

延齡有善行傳詳家乘

石琇瑩字相時質直好義捐餉練勇以平髮捻功獎軍功五品庫大使入籍及修明倫堂費鉅款無難色七十壽時邑侯徐贈福緣善慶匾額

石修林字茂卿豪俠好義曾練勇平髮捻不辭勞瘁諸兄入籍建祠林樂助之至辦壬午水災力任其勞上憲獎給惠濟枌榆匾額後丙申修城及文廟俱樂部捐輸

陳定吉字正興例貢生事母孝母目督左右就養所需無不立致咸豐兵亂先送母入山谷朝餼夕膳一如平時母歿哀毀盡禮分析後季弟窘代償百金無吝色合族祠宇未建鳩資倡修

並認捐數百金丙申蛟發縣文廟圮吉捐銀五十兩爲合邑倡
縣主陸詳請給子急功好義匾額

段昭銘字益恭國學生剛方正直遇事敢言鄉里不韙之徒咸
畏憚之高祖祚論公祠宇燬於兵燹祀產無多銘存積十餘年
督率房眾重修任勞任怨卒成其志尤愛詩書尊師保凡有關
斯文者雖重費不惜焉長孫濱廩膳生

段昭灼湖北候補知縣樂善好施慷慨任事捐田稞三十担零
二斛籌建本姓興賢莊捐田稞二担三斛半以爲高祖祚成公
祀產丙申歲饑捐貲賑恤縣主陸詳請贈以惠濟桑梓匾額

段昭禧從九銜慷慨好善有長者風丙申歲饑捐資助賑由縣

英山縣志

卷之十一

人物志

義行

百十二

詳請贈以惠濟桑梓匾額

段大浚光祿寺署正積學未遇賚志以歿妻汪氏承夫志因瓦
寺前烏石巖道路傾圯捐資修二十餘丈行人便之

安在廷同姪詩咏於清道光二十年捐廣里詹家河田稞二十
担及隨田山場庄屋四間在遠望嶺建立茶亭永遠施茶有碑
段愷字爽亭國學生性剛直好施與遠近稱貸至千餘金無難
色光緒戊寅有術匪能剪紙人截人髮辮邑宰魏懲辦案內有
柯某確係株連無敢言者塏獨以身家保得釋人皆服其胆識
王森道光三年捐建河灣義橋計六斗斛田稞八担又兩河口
花園諸義渡均捐有錢稞以勸善舉子熙性惇性

柯道祥字文盛國學生性好學品行公正曾捐小滿沖田稞五担入五甲義舉卒年八十四

胡浩霖字天澍職員粵匪亂後屋宇灰燼無以爲家有弟四各妥爲安置已則儻居里舍以謀生泊建宗祠定籍貫無不竭力經營鄰里有競爭必雙方排解社會中咸倚賴焉子炳章庠生胡浩福字天來從九銜仗義輕財曾倡捐田稞以定籍貫又捐祠基以建家廟諸凡濟人利物之事無不毅然爲之子松韻廩貢生

胡聘三字莘夫獎敘州同慷慨好施凡城工文廟建橋梁及邑中育嬰堂諸美舉輸鉅貲無吝色外舅高氏子孫零落捐田數英山縣志

卷之十一 人物志 義行 百十三

担以爲祭祀之資子許超武庠例授衛千總輕財重義天性肫篤卓有父風

胡應楫字作舟武庠生仗義輕財熱心公益諸凡邑中公務不惜輸資經管引福渡渡款不足傾私囊補助之不願勒碑註賬且厚待佃人遇水旱灾浸汰讓無算

胡天錫字錫三例貢生倜儻不羈咸豐時粵匪竄英捐貲市械辦團匪來鳴鑼聚禦匪去投械趨耕得寓兵於農法匪偵其家百端蹂躪兄澍弟聘三姪秩亭俱被匪執赴湯蹈火皆爲拔出得團聚地方卒賴保全時鄂撫胡林翼駐英獎給八品銜

蕭正元字普瞻太學生剛平廉幹好善樂施嘉慶十三年倡首

邀眾姓捐置義山數處田稞三十担零又建瓦屋一座名曰義惠堂甲內遇有無主屍骸施棺掩瘞每歲春秋節各孤塚焚香培土管事人必親臨之孤貧者年終散給米鹽俾得資以度歲時外縣飢民百數十人來境乞食由本堂籌備周濟不索眾姓分毫至今無不稱便焉

蕭鴻澍字雨香歲貢生性情慇直排亂解紛人欽服之光緒壬午年督辦合邑災賑鳳穎道憲任邑令吳詳請獎給惠濟枌榆匾額

秦得老三逸其名農夫也家貧路過詹家河遠望嶺下拾遺金數甚鉅俄失金者尋至秦完璧歸之失者酬以金分毫不受卒

英山縣志

卷之十一

人物志

義行

百十四

以貧窶終身焉

胡序霖字濟亭監生性好義樸實耐勞督建宗祠三捐建傅家灣石橋一座費二百餘金行路感戴稱爲胡公橋母病侍床褥四年未嘗一日懈人以爲孝義兼盡云

金馴遠太學生咸豐初奉何桂珍觀察札辦團練保舉軍功六品銜邑興賢館曾捐田稞十担金鎮店屋一所旋奉州憲何諭修六安考棚捐足錢四十串提倡黑石渡渡欸先後捐錢八十千均載碑記

金鴻翎字汝儀榮祿大夫克承先志光緒辛卯父卒捐田稞四十担請附祖塋以安窀穸庚子邑重修文廟捐銀一百二十兩

癸卯捐修支祠廂屋姑母適太學生馬學良無後外祖貽封奉政大夫胡奉文亦無後均爲立嗣並出資擇聘將來後嗣熾昌皆其力也

金燦遠字鏡園例貢生律身清約凡關慈善公益事絕不慳吝堂兄進士燿遠全家殉難武定州公署經黔皖督撫會同具奏旌表建立金氏忠孝節義家祠燦爲之竭力經營並捐田稞二十餘担以爲祀產

金簡先字輯丞增貢生候選訓導性好施予管邑興賢館守正不阿里有老婦萬某孤且貧養之十數年無難色房叔祖某貧老無依生則衣食之死則給以棺木安厝之鄉里中咸稱頌不

英山縣志

卷之十一

人物志

義行

百十五

衰焉

尹立誠字中樂湖北大冶人庠生父歲貢生其強暨母氏均歿於英誠扶櫬返葬原籍廬墓三年家貧勵學贍族濟鄰不遺餘力先是英苦斃丐爲累胥吏居奇誠與金光普蕭正元等赴省稟請立案示禁勒碑弊遂革邑人德之卒年九十四

金光梓太學生樂與人爲善金家舖香火冷落東嶽廟僧食不繼邀同眾姓捐製蟹子地田稞四十担花稞十二斤黃豆稞一斗光緒壬午水冲現實存六斗斛田稞八担

石喬松例貢生性好義明大體光緒丙申水灾捐米六百斗足錢一百串以活災民捐銀一百兩助修城垣縣令陸詳請獎給

惠濟桑梓匾額並捐建金家沖石礮三道子成璧卓有父風
吳立心字準衡國學生性慷慨曾捐祭田十餘担邑修文武廟
各有捐資子紹文煥文均庠生

吳勳馨字德明國學生生平卓有古風急公好義捐祭田甲田
十餘担族里恒稱頌焉子道彬增貢生

龔廷寶字國裕性耿介樂善好施捐置金家舖土名長林崗義
山一所掩骼埋胔鄉里稱之

金光煊字竹平性忠厚治家儉樸人有急難不吝解囊族內貧
無葬地者出己山安厝之孤貧無靠者值歲時伏臘給以穀米
布衣鄉里今猶領之

英山縣志

卷之十一

十一

人物志

義行

百十六

金宗宣字鏡波例貢生好善樂施急公仗義經管邑興賢館捐
足錢三百串文邑修文廟捐足錢七十串文水旱凶荒對於鄉
里貧民傾囊周濟歿後有慈惠之名

徐林字秀林例貢生成同年籌辦軍餉著有勞績英邑學額減
少與同人籌捐助餉稟請加文武學額各四名載前志光緒八
年水災助賑辦賑縣主吳公請於上獎有惠濟枌榆匾額邑修
聖廟城工均捐有重貲子廷瑞廩貢生

徐森字晴嵐鹽大使銜性剛直崇古樸凡有公益慷慨樂輸光
緒丙申年邑修城工捐助重資縣主陸詳請獎給惠濟桑梓匾
額平時施茶藥施棺木洵好善不倦人猶德之

胡奉舟字樹南職銜幼失怙積勤饒衣食光緒間捐田稞十五担入凌雲書院縣主陸公嘉之事節母盡子職撫幼弟孤姪成立亦恩義並至焉

查昌學字半齋湖北人孝友篤行舉步爲鄉黨所矜式族鄰不正者不敢侔面有困乏者推解不吝晚年提田稞四十担作爲義庄遠近年七十上之孤貧歲終量爲分給鄉里受惠無窮彭元灼字見之尙氣節務忠厚貧者借貸立與之積券數千謂諸子曰我免居施濟之名故用此耳悉焚之咸豐間大荒携眷避亂太邑家儲穀百餘担有掠之者將穀就地減價出賣地方羣相誡曰某善人也寧餓不食此數日無一逮穀者灼歸將穀英山縣志

卷之十一

人物志

義行

百十七

盡散諸鄰里不取價人咸欽服查宗璧字趙生蘄春庠生公正樸實性孝友弟宗續坦易和平分產互相推讓外祖劉無後田稞數十担歸璧作養葬費劉歿後璧往蘄水爲劉立後悉反其田得以授室安家劉姓於焉不絕人以爲孝義兩全云

彭本傑字俊心由監生保授州同性慷慨疎財仗義咸豐時洪楊之亂廬州王康董三名士携眷來英漂泊無依傑析屋居之飲助不遺餘力三年始旋梓不索償也平生喜詩歌贈答築小園顏曰存園著有存園詩集待梓

施心鎰字啟祥監生慷慨好施初甚窘後以商業起家與李澍

滋等倡建育嬰堂捐七十錢四十兩爲常年經費又每月捐足錢二十千文十餘年無異城鄉婦女以舊賬爲花本鎰貫紙囑收字紙者易之至施粥以賑飢荒闢池以放生命捐資培祭助款興賢猶其餘事

陳庚甲蘄水籍好施與作事有恆於文書舖路旁施茶三十餘年無間斷行旅便之卒年八十三

余永受字紹謙仗義疏財篤於根本胞弟永修卒遺子女俱幼受撫如己出爲女擇壻爲姪娶婦俾各成家五甲向有義社咸同年幾至蕩廢受竭資培植委曲調停得以不墜至扶危濟困見義必爲晚近間實罕覯云

英山縣志

卷之十一

人物志

義行

百十八

張昌文字質軒儒士因父啟禎殉難承襲雲騎尉性儉約遇人急難雖千金不少吝光緒丙申蛟水爲患城鄉灾黎甚眾捐穀三百担爲一邑倡邑令陸義之詳請獎以樂善好施匾額後修城捐錢百十餘兩又獎惠濟桑梓匾額戊申土匪難劫獄焚署罹患者眾其子揮定捐錢數百兩育嬰堂經費支絀捐田稞三十四担論者咸以爲善萃一門焉

姜時礪業園子承父業守忠厚先世有堂曰善忍公一秉彝訓無絲豪刻薄輕俠存孤卹寡濟人如恐不及屬世風澆薄公以籌墊受累終不悔論者謂其執過於厚焉

葉德堃太學生慷慨好義倡修祠宇首捐鉅款爲族衆先賠墊

數百緡不索償平時分多潤寡澤徧鄉鄰

裴昌年邑庠生敦行不怠倡建公祠又建支祠經理不辭勞瘁並勉捐足錢六十八串置祭田族人稞之

王可駿字文瑞性孝友分居讓產慷慨辦公不辭賠累同治時賊竄英眾驚走遺失幼女駿見不忍携同避亂如己女後查係蔡姓女蔡領女謝以金不受族間鬻妻者二皆給錢贖歸鄉鄰義之

葉方義字曉嵐性情倜儻急公忘私咸豐初倡辦鄉團不辭勞瘁何觀察贈公正勤能匾額後屢倡捐助餉英歲科兩試學額得廣數名他如修文廟建祠宇捐橋渡免佃租行善事則垂老英山縣志

卷之十一

人物志

義行

百十九

不倦旋由國子監保舉縣丞加同知銜

葉慶熙字鏡帆例貢生敦孝友明大義岳父林某產業已掃賣熙代贖回逾年舅兄某又將業出售仍贖歸之無德色事詳林氏家乘

葉慶恩字綸章例貢生素好學仗大義長子優附生振樞管邑賓興墊欸甚鉅但囑註簿不索償光緒壬午水災勸辦賑務中丞裕贈惠濟粉榆匾額

葉鏞字省吾縣諸生不羈才也後投筆從戎助輸軍餉經各大憲保舉性慷慨嘗捐金全人夫婦焚券免佃夙逋歲值青黃不接出米數十斛借於村中斷炊者期以秋熟償不計息鄉里壽

以廉正勤能匾額

葉夏政好施予曾捐田稞二十餘担贍族貧寒捐土門潭渡籓田稞三担捐收字紙稞四担捐五馬奔磱山爲漏澤園凡茲義舉慷慨傾囊卒年八十二

葉振禧字子誠湖北卽補巡檢弟振祚字子楣同知銜素敦友愛性均豪邁合族修宗譜及祠宇慨輸鉅款無吝色里有積逋不能償者輒焚其券並憫窮兒失所捐錢育嬰尤能嘉惠士林捐田稞四十餘担爲合邑鄉試童試卷燭費後修文廟城垣亦樂解囊相助邑令陸士奎詳請上憲給以惠周桑梓匾額蓋諸凡義舉兄唱弟和也祚年八十二無疾而終禧亦享上壽人咸以爲福報云

英山縣志

卷之十一

十一

人物志

義行

百二十

葉時愷浙江候補縣丞道光二十一年蛟水驟發土門潭西岸有避災十餘人棲樹上愷給重資僱渡之得活咸豐七年六安汪永大夫婦逃難至土門潭鄉團疑爲賊偵探幾置死地愷詢得實以全家保之住之家年餘給資斧以遣之又承先志捐田稞十担歲贍貧族仿江蘇育嬰法月給錢穀俟嬰週歲始止全活甚眾年八十五無疾終

葉元勳性慷慨明大義捐六斗斛田稞十担入宗祠爲祀產助修宗譜費足錢五十串又有葉振和捐建洙祖祠宇約費千餘金合族均賢之

葉振統例貢生性揮霍曾捐錢爲邑士子南闈卷燭費歲荒出資運米賑飢活人無算又葉振翰例貢生亦慷慨仗義助修城垣文廟所費不貲葉振海於修城之舉亦捐鉅款邑令陸請於上振翰贈有好義急公匾額振海贈有勉力急公匾額振海少孤賴祖母王教養成立振海奉事祖母恪盡孝道後由例貢保舉州同銜

江學禮字上達羅邑人性好善樂施予光緒壬午水災施粥冬發寒衣縣令吳聞於上皖撫裕旌以惠濟枌榆匾額

江希第字煥彩羅邑人光緒丙申英城圯於水邑令陸知其能委以修城之任不辭勞瘁竭力籌畫現英城堅固甲他邑第與英山縣志

卷之十一 人物志 義行 百二一

有力焉陸令請於上旌以惠濟桑梓匾額

張啟福太學生性慷慨光明磊落咸豐時督辦團練楚撫胡文忠公駐英福捐數百金助軍餉至里中如建橋梁設粥廠施寒衣等事早歲行之現後嗣熾昌蓋行善獲福云

張昌進太學生父早卒命兩弟就學重道隆師孝養孀母極其誠敬至邑中善舉無不竭力助捐如修獄曾捐錢九十兩滿清股票捐銀七百兩長子揮書頗能繼志辛亥兵興捐銀三百兩以助軍餉可謂是父是子矣

陳世其八品銜性情樸實胞弟世交早分居後漸貧窶爲憫其鳩形鵠立供給暈貲廿年無懈遷英祖營豎立豐碑購置山界

捐助多金族中有貧而難殮者捐貲掩埋丁巳奇荒乞丐踵門日給饘粥全活不可勝計里中修橋築路亦慷慨輸將現孫曾林立羣信爲作善之報云

汪作謁字永富性孝友胞弟作袒春安皆無嗣立命子承祧至孔家坊太平橋花屋河等處橋渡亦欣然解囊近鄰有宋某物故棺木葬費謁一身任之至創立汪氏支祠樂輸巨款實足令慳吝者愧焉

段著光字則明例貢生善排解親九族曾捐田稞十担入族興賢莊培植寒畯本族士子咸感頌之

段錫齡字文與附貢生好義崇儒邑文廟規模狹隘歲久圯毀英山縣志

卷之十一 人物志 義行 百二二

議改制增建捐錢八百兩爲闔邑倡踰年告竣縣治水灾城壞捐資助修至西門外兩河口塔關係合邑文風重修費取懷而予不藉羣力後以海防捐獎授教諭

王瑾字德圃監生太平籍捐貲於縣城西門內倡建丐婦棲流所房屋三間儘容三數十人費二百餘緡不惜又捐資批出北門外公山一面以爲義山共計費錢數百兩平時於邑中饑旱緩急事均慷慨爭先不遺餘力

傅用楠上庠生急公好義族某將婚岳家嫌其貧不與女楠傾囊篋助之某得行奠雁禮岳愧之送女于歸現生子禋祀賴以不絕

董永珩涇縣人喜周人急有婚嫁喪葬不能成禮者量爲攸助有償者收之不償者聽之迨至時亂年荒則取其券私焚之善事陰行難以枚舉

江希美羅田人父步雲惠濟枌榆江督手顏其額美繼父志樂善好施丙申水災散財以運米鹽發粟以炊饘粥生活甚眾沒後咸稱頌不衰

彭本疇字壽田太學生幼失怙年十七因伯兄辦邑公事遂廢書主家政垂五十年伯兄憫之擬析箸疇念蓄積事可分任生產事諸兄暨子姪輩均不慣仍難旁貸也於是歲綜其租之入計突而均析之不私銖黍人咸謂其胸無錢癖他如觸免佃租

英山縣志

卷之十一

人物志

義行

百二三

培植祖祭大率不離乎疏財之意者近是故族黨羣飫其義云李士樞號仲質清封榮祿大夫澍滋次子讀書不多能明大義家貧力田穡節儉自持光緒丙申邑東山浚勃發水患瀰漫城中居民多罹滅頂仲慨捐千金發急賑又承父兄命廣置義田贍族事並上於朝旌獎樂善好施字樣准予建坊創捐育嬰堂倡建僧王祠及義渡橋梁道路咸同年赭寇之亂英邑遭蹂躪其祖父丹山公殞於賊仲偵知痛哭流涕尋得尸負歸得免遺棄今猶稱道之嗣子祖聃優增生授大冶縣教諭盛庚同知銜段昭文號煥文九品銜咸豐庚申督修大祠續修鐘形菴色溪保等處古剎又恢復本支再紳祖祀產田稞百餘担俾祖宗血

食不絕咸同時粵匪擾英督鄉團追賊至太湖賊潰鄉民賴以安枕知縣何公家聰深器重之同治庚午充縣志採訪搜羅宏富卒年八十三

李務滋字晴庄蘄春庠生品正行端才優學博曾督修惜字藏倡立育嬰堂家雖不豐凡諸善舉無不竭心力爲之卒年八十胡可鉅字鼎資監生性廉潔慷慨有大志經管戶事置祭田數百餘担修理六祖各公墳墓同爨者兄弟子姪七十餘人無詬誶聲子允清庠生

蕭開榮字永耀慷慨好義精堪輿遍歷名區諸大家無不敬禮之所得謝資除建祠宇修神主外若陶家坊板橋畝石路彭家畝石塔板石橋三座傅家坊上沖石礮二座皆捐捐手創也行旅便之

英山縣志

卷之十一

人物志

義行

百二四

段光燦字星階國學例授縣丞疎財仗義光緒丙申水災捐資賑卹陸縣詳請給以勉力急公匾額

鄧昌平字聖鄉乾隆五十六年捐金提倡創西關外兩河口義渡價買田稞五十二担續庠生鄧來泮撥捐寺田稞十担是以民不病涉

丁鏡堂邑廩生義士應發子修礮路建茶亭造廟宇凡父手未成諸慈善皆毅然釀金爲之族中貧乏不時賑卹潛邑王某孤獨也養於家近十年歿後衣棺一身任之立墓安碑路人可指

湯立賢字協中邑庠生性至孝幼失怙恃撫育於立母張張孀居失明洪楊之亂負母避兵爲所得哀以瞽母失子必無生理賊釋之古六諸生黃鳳翔携眷避難來英多方調卹黃遭喪契賣六田八担種賢還其契而醵助喪費亂平旋梓黃慶再生卒年八十八子一亭庠生

彭占魁武庠生成豐間大饑有六安顏姓挈眷逃荒至武顯廟飢甚將鬻子女不忍割愛全家投月形塘魁見亟救之留住年餘一家全活鄰李姓有賣妻者出金贖之李得完聚至今子孫蕃衍皆其賜也卒年八十有六

王吉桂字馨山賦性純篤存心忠厚咸同時鄰邑災民至英覓食本境局勇惡其煩擾歐逐幾至於死桂曰因災覓食不與之食且死之非人道也食而後遣之走活人無算卒年八十王吉昭性孝友兄弟分爨田地以肥者與兄自取其瘠者兄遠徙臨安姪幼不能偕往吉撫之逾己子同治初避亂蘄州華家岩見某姓父死無所殮傾囊相助土人至今稱之

彭元容元度性孝友尙義少孤體母志捐田稞二十担爲合族興賢

王耀泰好施與精盧扁術專以利濟爲事有求治者雖風雨昏夜亦不辭不索謝金且藥不計價咸道年大瘟疫醫活無算查拔萃蘄春籍家貧讀書生平多義舉曾捐田稞十担入東門

義渡

田成矩字紫山志鎰次子原籍合肥性孝友夙承庭訓慷慨好施族某驀賣肥鄉祖田十餘担輒捐金贖回至撫育族孤成人美舉其卓卓可錄者尤不一而足

李興憶字漢英隨父應試由蘄遷英少貧不能肄業而英敏天授從進士某受業僅八月後遂無書不覽惟不習舉子業以例入成均飭躬砥行爲一鄉表率邑有大事邑宰輒折柬以招或親造其廬然性恬退非公不至有澹臺滅明風於公事外絕口不言人過以故鄉人皆感恩慕義生平性好潔晚年靜坐一室焚香對案若與神明伍卒年八十有二

英山縣志

卷之十一

人物志 義行

百二六

李克鳳字丹山原籍蘄春弱冠秉家政食指日繁意廓略不事家人生業人有稱貸輒焚券見道旁遺物待其人還而與之佃戶詐以衝壓蟲旱訴不問虛實輒減其租性嗜書惜字尤甚雖寸楮藩溷中必手起洗潔乾而焚之蓋提籠而撻之者數十年不少懈待人溫厚樂道人善孩孺必接之以誠歿既久戴德者益稱道不衰

葉振鐸字韻金縣丞銜行端品正好義急公奉諭辦團勦除齋匪不需公費捐橋梁施棺槨李公贈善行同稱匾額

葉方茂字蘭坪孝友居心剛方處世幼失怙年十六卽棄舉子業董治家政教兩弟成立咸豐初奉諭倡辦鄉團罄所藏以助

餉經胡官兩大憲保舉五品銜賞戴藍翎他如修祠宇免逋欠樂善好施鄉里稱之

葉振綬字楚生例貢生孝友性成有古人風尤慷慨樂成人美見浠川周某才招至家培植讀書學成始遣之曾捐鄉試卷費他如里中義舉多所贊成

葉振渠字仲模國學生四歲卽能吟咏小試屢拔前矛未售性惇篤仗義疏財曾墊錢數百入祠不作虧款他如義漿仁粟力之所及靡不經營

曾式熙字萬和羅田人生平疏財仗義曾買賈家沖田稞六担二斛花稞八斤捐入二喜公爲祭產族人賴之

英山縣志

卷之十一

人物志

義行

百二十七

李善進字業修太學生輕財仗義與弟業宏建棠梨樹嶺茶亭一所捐六斗斛田稞十八担二斛零七升半又捐朱家坵茶亭基址並倡修祠宇以妥先靈卒年八十二

胡可經字藝齋太學生存心忠厚好義急公諭辦團防經管橋渡均捐鉅資不惜鄉里以長者稱之子達階輔階俱職銜

張茂濃字炳元太學生清光緒三十四年阮匪焚署劫獄知縣石振珽隻身逃至上河礮墮水幾淹斃濃着僱工援起扶入佃戶虞姓躲避代換衣履詎石令奮不欲生袖繩自縊濃救獲免繼又督率鄉團輿送入城營署所費不貲

鄭光祺監生高祖元昆曾祖一坊父昌寶叔昌齡疊捐田稞爲

闔邑生童試卷費縣令及各上憲均贈有匾額詳前志同治壬申祺復捐休舟畝田稞二十担花稞二十五斤縣令王寅清復贈有屢惠士林匾額子宗璜廩生宗璲庠生

馮德崇德發爲人均謹慎喜施濟隸籍建祠捐鉅資無吝色崇卒年七十四發卒年五十八

胡松苗太學生急公好義捐稞成祭置產興賢凡有義舉尤樂捐資

段銘昭字立齋太學生慷慨好義尤樂貲助寒士捐錢入銅鑼巖置廟產

沈潛字春明太學生孝友傳家詩書裕後培植人才間有族戚

英山縣志

卷之十一

人物志

義行

百二八

因貧廢讀或乏川資應試者給其膏火盤費咸豐六年邑旱荒指困以濟饑民略無德色至於施渡田捐祀產推解以贍戚隣飲助以全聘娶種種善行難以枚舉

伍先澍鄉耆明大義子姪讀書極力培植隆重師儒凡建祠修廟亦皆踴躍從事得告竣現子孫昌熾

譚震賦性慷慨急公仗義修城郭造橋梁建祠宇置會產以及入籍興祭俱不吝巨貲

黃明滔字德義性和平善排解里有爭端推誠勸諭訟端遂息咸豐時胡林翼李孟羣大軍先後駐英滔辦軍米並助軍餉深資得力經胡撫獎給九品職銜卒年六十一子元馨庠生

陳長義字叙九國學指產建祠宗族稱之經管社倉凶年散穀均平受益居多子六延禧例授巡檢

杜寅清正太光明克承父志先世捐有沙河嶺義橋接年板橋橋田被水沖失迭次捐資成此義舉

聶景良字化龍性豁達撰族譜造宗祠矜孤恤寡鄉里稱碩德可風卒年七十一

胡大孝性好善捐產興祭族人義之

傅以珩字崙一太學生性天篤厚心地公平內和外睦毫無閒言晚年將人所負券數百金焚之人皆戴德

蕭海宗孝友慈惠仗義急公曾捐修潛霍通衢橋一座費數百

英山縣志

卷之十一

人物志

義行

百二九

金又邀同蕭午宗涂準儲茂興蕭序樟等在草盤地購屋數間建立育嬰堂收養遺孩捐款亦鉅現連年存積經費頗饒嬰兒得所並刊善書若干卷行世

金秘遠字麗香積學例授五品銜爲人磊落善排解喜施予事無巨細片言冰釋鄉鄰悅服里有貧乏無力安厝者助棺木以免暴露人咸德之

裴學勝鄉耆蘄水籍性樸實不崇紛飾勸募重修行興菴廟宇力總其成始終不懈

金宗芳字香生登仕郎性倜儻督修宗譜所費不貲碧岩山騎龍菴內祀關壯繆神像芳爲之置會產八十餘担平生尤以義

方教子忍讓勤儉讀書行善八字令世守之

尹文康字平坦性方嚴爲人慷慨好義地方公益無不竭力飲助親故凋落者多所提攜歿數十年里人猶稱道弗衰

金鴻對字級三例貢生性孝友家居儉約至慈善事則樂爲之凡乞丐倒斃及貧無以殮者每施棺木以免暴露里人稱之金萃遠字中孚性忠厚處事方正直道而行咸豐六年歲荒歉施粥以食饑民經管公祠增置祭產數十担現子孫蕃熾金鴻棠字濟初性儉約於慈善事絕不慳吝凡家親屬無嗣墓捐貲建碑以免湮沒施棺木以濟急難族黨賢之

吳勳明字照宇國學生性忠厚有佃人某屢遭回祿明焚其券

英山縣志

卷之十一

人物志

義行

百三十

三次至今有口皆碑

楊昌泰字景儀增生道光二十一年大荒泰典衣物購米煮粥散給近鄰全活無算子四春熙春蔚同案入泮

查昌冕字服周例貢生勤儉樸實幼以孝聞品行端正鄉族中有糾葛竭力排解賠款在所不計

余時定字泰交太學生好義急公咸豐三年竭資督辦鄉團爲一方保障桐城縣尹劉北彭造訪贈有披襟望止戈之句

余思孝字荻園例授府知事爲人剛正不隨俗轉移辦理地方公務歷有經驗天性孝友家規整肅爲余族一門領袖

余思琛字玉璜性惇篤務根本學於祖宗祠墓宗譜支牒修理

不遺餘力篤好詩書兼精岐黃學活人無算

江衍堯字志道幼失怙恃能自立勇於公益咸豐時李鶴人軍
紮夾鋪值歲奇荒衍堯捐米以助軍餉鶴人嘉之

江繼祥字耀南議叙八品性方正不隨流俗戚族稱貸貧無償
者輒反其券光緒初良民累於齋匪者必力爲剖白保全甚眾
余思欽太學生素好義急人之難成人之美鄉里糾紛之事咸
就理焉凡邑中城工育嬰各義舉無不竭力襄助

鄭世陞號秀庭太學生性和厚濟困扶危毫無裝飾族戚婚喪
缺費得其飲助者指不勝屈人來告急無不立應有長者風

汪秀堂字春台羅田太學生幼時才智明決弱冠失怙服事萱

英山縣志

卷之十一

人物志

義行

百三一

闡有戲綵娛親風範至造河梁修渡艇皆慷慨解囊捐金不惜
陳鴻應字耀春性慷慨凡善事欣然樂輸適東嶽廟傾圮捐錢
六十兩重修近地太平橋募捐慨然飲助

段期昭字煦常潔己愛人好施與光緒丙申水災捐修城費七
十錢五十兩省憲獎以惠濟桑梓匾額

江兆元羅邑庠生性毫邁有大志遭時不偶閉戶讀書然扶危
定傾擲千金弗吝也歿之日士林悼之遺有恨無十萬橫磨劍
斬卻齊州混世魔之句

郝敦厚字蕙堂太學生里有善人之譽平日綜理保甲籌辦團
防經管戶事雖人心不一初未聞退有後言者卒年七十三

王祥愷字兩宜附貢生性明敏卓犖不羈幼時常持卷伴母夜績必俟母睡始掩卷就寢讀書以身體九行爲宗旨咸同年洪楊擾英辦理團練扞衛地方深資得力縣主及蔣道員凝學等交相推重光緒壬午全縣水災辦理急賑活人無算邑令吳念謀呈請獎給國子監典籍旋經部議賞九品頂戴

余壽時字仙庚父維馨官潁州府教授父卒弟時彰纔四歲壽善撫之與事嫡母生母以孝友聞清咸豐時粵匪之亂縣主祝昌奎蘇秀槐先後練民兵自衛壽樂輸銀以充兵費繼鄂撫胡林翼皖撫李孟羣移軍駐英壽面陳形勢得失皆中肯綮且勸募軍餉積鉅資得援例廣英諸生學額壽亦經皖撫李保五品英山縣志

卷之十一

人物志

義行

百三二

階後歲饑買後山女爲婢旣笄將字婢以夙有夫自陳壽乃請縣主移咨本籍查詢旋婢之父兄翁壻咸至壽喜厚奩金以助其婚其敦倫飭紀仗義輕財有古君子風焉

佘華國字幼章積學未售性慷慨好義光緒壬午水災國居附城皂角樹鄰舍屋宇俱被水沖國屋獨存鄰舍老幼咸集國率親屬出米供給月餘甲申倡入英籍所費不貲族中有出券幫助者後無錢償悉以券還之子星舫卽以是年補諸生

段大梓字幹卿增貢生居心溫厚處事和平家素豐胞兄壽千曾任山東知縣梓絕無富貴氣守己約而施予不慳匪獨邑文廟城垣諸鉅工解囊相助卽鄉井礮路津渡皆見義勇爲且憫

邑中嬰兒孤苦則捐田稞以育之生憐族中子弟貧寒則助資斧從遣之學諸凡慈善見諸事實者更僕難數近年管理縣財政局知無不爲爲無不竣厥事以至賠墊纍纍又關懷時局於國債一項首輸鉅資爲合縣倡民國六年經財政廳咨部獎給愛國急公章卒年五十士論惜之

李士柳號叔芝原籍蘄春清中書科中書誥封資政大夫起家寒素嘗以爲善無力爲恨迨兄士彬通籍後見貧苦則立周聞善舉則樂從如修闢安里棘嶺溝及灰窰山二處之崎嶇要路不下十數里共費錢千百串捐九甲辦公公欸數百串又遺命其子捐修鷄鳴河破窰壩石礮各一道亦需錢千百串此其尤英山縣志

卷之十一

人物志

義行

百三三

大彰明較著者也至於置義山焚逋券平糶救荒拯濟水火災種種慈善石碑所在指數難終次子盛和以選拔成進士盛糖州庠生

段芳塏字玉階貢生性端方樂施與嘗重修吳山寺並嫡祖附祠捐田爲祭產又倡捐田稞三担入銅鑼岩爲廟產義行甚多遺老猶能述之

譚學優監生排難解紛輕財仗義邑修明倫堂曾倡邀族內捐銀百餘兩以勸盛舉

張茂潤字朗軒由例貢生累保至五品銜清光緒二十七年邑修文廟城垣及文昌宮潤熱心毅力勞怨不辭並共認捐錢一

百四十餘串經縣令陸詳請鄧撫軍題惠濟桑梓匾額陸令亦以勉力急公額之三十四年阮匪猖獗各大憲蒞英彈壓面飭知縣事魏業輅辦團潤以襄辦墊用錢五百八十餘串於民國三年郭知事任內慨然捐入地方財政局興辦公益不索償也至爲家庭隸籍建祠雖費鉅貲不之惜且性天純厚暮年以撙節餘資置田稞數担爲親屬祀產並分給子姪錢數百串卒年七十五歲

段永栓字廷宰太學生性慷慨好施予族有寒士試期輒助資斧嘉慶時曾買施銅鑼巖觀音寺復施寺下基址修大士閣並捐田稞六担二斗永爲香火之資閣之東楹現供有栓木主焉

英山縣志

卷之十一

人物志 義行

百三四

姜思誼字正庵歲進士性醇理樸爲邑通儒早歲明經不求聞達里居教授邑之博雅士夫多出門下其爲人也暑不張扇冬不衣裘舉步不翔獨居不倚循循然三代之直道歟季子繼槐號佑三綽有父風以教讀終其世業孫典忠邑增生氣尙豪華不慕榮利所居近地茶園嶺嘉慶年知縣諾穆圖同紳姜典紋等倡建涼亭从便行旅忠先人實董其事後思增葺而力不逮忠季弟典志遵知事劉鎬口論樂捐田稞四担並勸諭張姓捐田稞四担披斬綠林修治道路不但行旅無炎蒸之苦卽商賈無却顧之憂庶幾永垂不朽亦可謂善繼某志者云

英山縣志卷十一 二終

蕭 斯編